

INKHOLO YA JEZEBELI

 Asichubeke sisukumile umzuzwana nje, sisaniketa Nkulunkulu kubonga ngaloku. Asikhotsamise tinhloko tetfu.

Babe Nkulunkulu loNgcwele naloneMusa, sijabula kakhulu kutsi Ungu—nguNkulunkulu, nelusito sibili ngesikhatsi senkhatsato. SiyaKubonga ngaloko Losentele kona. Ngeke nje savakalisa, etinhlitiywani tetfu, kutsi sikutfokotela kanjani loku, nekutsi Uta kanjani ekusitakululeni uma sisenkhatSATWENI. Sifundzile, kuyoyonkhe iminyaka, kwetsema Wena nekuKukholwa.

Futsi ngiyakhuleka, kulentsambama, Nkhosi, kutsi Utotfululela tibusiso taKho etikwalabantfu laba. Kwangatsi kungete kwabakhona umuntfu lobutsakatsaka emkhatsini wetfu uma lenkonzo seyiphelile. Uma angabakhona munye ekhatsi lapha longakalungisi naNkulunkulu, kwangatsi laMandla lavusa Jesu ethuneni, angaphilisa imitimba yabo lefako, Nkhosi, nemphefumulo wabo, futsi ubaguculele kuWe. Siphe kona, Nkhosi. Labo labangenaye Moya loyiNgcwele, kwangatsi lolu kungaba lusuku lunye lolukhulu labangayuze balukhohlwe, ngoba kwangatsi kungaba lusuku Nkulunkulu latfululela uMoya waKhe etikwabo. Siphe kona, Nkhosi. Tsetselela tono tetfu.

Sitokhulekela kutsi Utobusisa uMnaketfu Sullivan, umngani wetfu lonemusa naloligugu, nemicabango yakhe ngebantfu, nekutama kubaletsela konkhe lokunekwenteka langaphumelela kuko, kubasita. Ngikhulekela kutsi Utobusisa uMnaketfu Sullivan.

Busisa bafundisi eveni lonkhe, ndzawo tonkhe. Baphe lokwendlulele lokunenginengi, Nkhosi. Kwangatsi bangema bangemachawe epulpiti futsi bamemetele Livi laNkulunkulu, ngoba siphila ema-aweni ekuvala emlandvo wemhlaba. Akutsi bubele baKho busisibekele kuletikhatsi leti. Ngoba sikucela eGameni laJesu. Amen.

Ningahlala phansi.

Ngibonga kakhulu kini bantfu njenga, kuNkulunkulu, ngaloku. UMnaketfu Sullivan utetfwese kona yena. Niyabona, bekungeke kube kuhle kutsi uMnaketfu Sullivan ente loko, ngako besilungiselelwe kutsi sikulungiselele. Siyakubonga ngemusa wakho.

² Futsi, manje, kwe—kwemnikelo welutsandvo, kona... bewungadzingeki kutsi wente loko. Cha, loko bekungadzingeki. Niyabona, nje...babhadala tindleko, lihhotela nekudla,

lebesinako, futsi nguloko nje lobekudzingekile. Kodvwa ngiyabonga, ngemusa impela, futsi utoya kuyosita sitfunywa senkholo futsi uletse bantfu kuNkulunkulu. Ngeke kubekhona bosikilidi labatsengwa ngawo, noma nguyiphi inkantini, lutfo lolungakalungi, uyosebenta intfo lefanele. Futsi ngikhulekela kutsi Nkulunkulu utokufaka loko ebbukwini lakho yakho etulu lapho, futsi akuphindzaphindze ngetinkhulungwane letilishumi, lidola ngalinye, noma—noma peni, noma tiki lomnikele locondzene nalenkonzo.

³ Futsi, manje, ngifuna kubonga uMbutfo wetekuvikela wase-United States ngekusivumela sibe nalendlu kutsi sihlale kuyo, kutsi sibe naletinkonzo leti. Ngibabonga impela ngayo yonkhe inhilitiyo yami.

⁴ Futsi njengoba ngicondza, uMnaketfu Sullivan utsite yonkhe intfo itobhadalelwah kahle. Asikaze sishiye lidolobha kwamanje, sikweneta senti loyedvwa, kodvwa yonkhe intfo beyinakekelwa; asikholelwa nje kunoma yini lenye. Awukafaneli ukwenete muntfu, ufanele ucondze utsi ngco. Futsi uma ukweneta umuntfu, hamba ubhekane nabo futsi ubatjele kutsi uyabakweneta, kodvwa nje bakunike sikhatsi lesincane, futsi utoyibhadala. Niyabona na? Sonkhe sikhatsi, leyo ngulencono...Lolo luphawu loluhle lwebuKhristu: ngekwetsembeka, locotfo ngenhlitiyo.

⁵ Ufuna kuphila nje loko lokhuluma ngako. Uma ungakuphili wena lucobo, ungalindzela kanjani kutsi lomunye umuntfu akuphile, uyabona. Ngako nitincwadzi letibhaliwe, letifundvwa bantfu bonkhe, ngako hlalani netsembekile, nje, ngeliciniso. Khulumani liciniso, akunandzaba kutsi kuyilimata kanjani intfo letsite. Khulumani liciniso, nomakanjani, ngoba ungalikhuluma njalo ngendlela lefanako ngaso sonkhe sikhatsi. Futsi uma ukhuluma emanga, uyofanele uhambe emakhilomitha lasigidzi nentfo ujikeleta, futsi uynosolo umele ubuyelete kulawomanga futsi; futsi nje wente intfo lembi kabi. Tsembeka nje, futsi ungalikhuluma njalo ngendlela lefanako ngoba liciniso.

⁶ Kungaleyondlela ngeliBhayibheli. Likhulume ngalendlela nje liBhayibheli lelilisho ngayo, ungancemphetisi ngalo, lisho nje ngaleyondlela, nje...kubhalwe khona lapha futsi—futsi ungalikhomba ngemuno wakho. Li—li...nguleyondlela lowehlula ngayo Sathane. Sathane watsi kuJesu, “Uma UyiNdvodzana yaNkulunkulu, asiKubone wenta ummangaliso. Batsi Wena ungu ‘msebenti wemimangaliso.’ Gucula lamatje lawa abe tinkhwa, futsi asibone. Ulambil.”

⁷ Watsi, “Kodvwa kubhalawi kutsi, uMuntfu angeke aphile ngesinkhwa sodvwa.” Niyabona na? Watsatsa Livi laBabe wase uyamehlula develi, khona impela etinkhundleni takhe lucobo. Ngako nawe ungenta intfo lefanako, wehlule develi etinkhundleni takhe, ngeLivi leNkhosi.

⁸ Ngako-ke, ngiyohlala njalo ngimbonga uMnaketfu Sullivan. Lena yi... Ngiyacolisa ngalesisho lesi: ngicabanga kutsi ngesikhatsi benta uMnaketfu Sullivan kutsi Wavele nje wayilahla lephethini. Akekho lonjengaye. Iyodvwa kuphela indvodza lengake ngahlangana nayo emphilweni yami leyangikhumbuta ngeMnaketfu Sullivan, lowo kwakungu E. Howard Cadle. Angati noma wake wamati noma cha, lovela e-lovela... UMnaketfu Cadle bekangumfana lomdzala nje lolungile wasemaphandleni njengeMnaketfu Sullivan. Futsi bekahlohlakanda takhe phansi emakhukhwini akhe khashane kuze kutsi tintfo takhe tekubamba tidvонseleke phansi le, futsi akhulume atjekise inhloko yakhe, futsi nje bekangu E. Howard Cadle loyedvwa. Futsi ngako ngi—ngijabula kakhulu kuba neMnaketfu Sullivan njengemngani nemnaketfu eVangelini. Futsi ngikhulekela kutsi Nkulunkulu utombusisa nelibandla lakhe lelincane enhla lapha, umkakhe loligugu, labatsandzekako bakhe.

⁹ Nakini, labanye bafundisi lolapha, kini nenlangano yelibandla lenu, bashumayeli beFull Gospel, etikwetintfo letincane temisebenti temBhalo singahle singavumelani nalomunye nalomunye. Angivumelani nemkami kuletinye tintfo. Futsi niyati kutsi loko kusetikwani? Utsandza iphayi yelihhabhula nami ngitsandza yemasher, ngako asivumelani. Futsi ngiyanitjela kutsi ngentani ngeyami: ngitsandza lemmandzi iphis i leshisako yephayi yemasher (bengingayimela khona manje) bese ngitsela libhotela ngetulu kwayo, bese-ke ngitsela tiliga ngetulu kwaloko; futsi, mnaketfu, unentfo letsite lefanele kudliwa! Umkami uyayesaba. Ngicabanga kutsi wesaba linani lalokukhuluphalisa umtimba. Angahle ayitsandze, kodvwa niyati kutsi besifazane banjani, bayesaba... Bazaca kakhulu ungabahlaba ngeliphini futsi ubasike kuyofika etsanjeni, futsi noko bafuna ku—bafuna kwehlisa. Leyo yimvelo yabo, ngicagele, ngako kuhkona i... Futsi, kodvwa ngiyawutsandza lowo. Manje, asivumelani etikwaloko, kuletinye tintfo sikahle. Kodvwa, niyabona, asikho ngalokuphelele ekuvumelaneni. Ngako besingabona intfo lefanako, bazalwane, kodvwa intfo lenkhulu, sidla iphayi, nguleyo intfo lenkhulu.

¹⁰ Ikakhulu, etikwembhabhatiso waMoya loyiNgcwele, nekubuya kwaKhristu, nalokukhulu kwetebuvangeli, timfundziso leticavile teliBhayibheli, sime impela umkhono-nemkhono naloko. Njengebalwane lababodywa labakhulu labahlangene, ngephandle kwemcabu webuhlelo, ngaphandle kwanoma yini leyosivimbela, simasha siconde eKhalvari njengemphi lenkhulu yinye, ndzawonye.

¹¹ Uma ngingake njalonjalo ngibe nguwanoma nguluphi lusito kini, ngitojabula kukwenta. Futsi ngineliciniso beningasho intfo lefanako kimi. Futsi ningaba lusito kimi. Futsi nguleyo intfo yinye leningayenta, lengiyatiko, kutsi ningikhulekele, kutsi

Nkulunkulu angake angiyekele ngihambe ngeliphutsa. Ngi—ngi—ngi... Akukho enhlitiyweni yami kuhamba ngeliphutsa, ngi—ngifuna kuhamba ngalokufanele, ngifuna kwenta loko lokufanele. Ngoba ngiyacondza, njengoba uMnaketfu Jack Moore wangitjela ngalesinye sikhatsi, watsi, “Mnaketfu Branham, ngeke ngema emabhudzini akho ngako konkhe lowendlule kuko, ngeluSuku lekwaHlulelwa, ngoba Nkulunkulu utofuna kuwe imphendvulo lenkhulu,” watsi, “ngoba Ukunike tigidzi tebantfu esandleni sakho.”

¹² Manje, uma ngati kutsi ngitokuma lapho futsi ngiphendvule ngalabobantfu, manje-ke nhloboni yeliVangeli lekfanele ngilishumayele na? Nhloboni yebucotfo, uma ngiphetse lokutsengwe ngeNgati yaKhe etandleni tami na? Futsi njengoba Anginika siphiko sek... ngale kwelitfunti lekungabata, noma ngumuphi umuntfu lobhadle kahle bekayokwati kutsi kufanele kuvele kuNkulunkulu. Futsi ngaloko, uma bengingahola umuntfu ngimyise endleleni lengasiyo ngoba nje licembu lelitsite lisho loko, Nkulunkulu bakangangenta nighlawule ngako ngeluSuku lekwaHlulelwa.

¹³ Kodvwa ngesikhatsi ngibone umbono, lapha kungesiko kadzeni, futsi ngabeva labobantfu bamemeta kakhulu... Niyitfolile incwadzi yenu lencane itolo ebusuku na? Li—li*Phimbo* lemaDvodza labosomaBhizinisi. Lelo lihle. Futsi embonweni... Ngalesinye sikhatsi sitoba nayo ishicilelwé ngemningwane logcwele; loko akusiko konkhe kwako. Kodvwa kuloko, futsi ngibona loko, ngase ngima lapho njengoba nje—njengoba nje ngime khona manje. Futsi ngangitibuka ngilele lapho embhedzeni, ngibukisisa umkami, futsi noko ngime lapha ngitibuka. Futsi lapha kwakungulabobantu beme batungeletile kanjalo ngesikhatsi ngitsi, “Ngabe Pawula utokwehluelwa ngeliVangeli lalishumayela na?”

¹⁴ Batsi, “Yebo.”

¹⁵ Ngatsi, “Ngishumayele lonkhe Livi ngayo impela nje indlela lenta ngayo.”

¹⁶ Naletigidzi tamemeta kakhulu, “Siphumule kuLoko!”

¹⁷ Nguleyondlela lengifuna kutsi kube ngayo uma ngiwela lapho, niyabona. Ngifuna kube ngaleyondlela, kanjalo nje, loko nje Pawula lakusho. Angifuni kwengeta intfo yinye kuKo, ngisuse intfo yinye kuKo. Loko nje liBhayibheli lelakusho, nguleyondlela nje lengifuna kukugcina kuhamba ngayo, niyabona. Futsi kusobala, kugcineni kanjalo, emahlelo ndzawo tonkhe litovusa umcabu lomelene naKo.

¹⁸ Bese-ke, tikhatsi letinengi, bazalwane bacabanga kutsi ngimelene nabomnaketfu. Nkulunkulu wati lokwehlukile kuloko, kuperha nje uma Ati kutsi yini leliciniso. Niyabona na? Akukamelani nebazalwane, yinchubo lesenta singabi bomnaketfu. Akusilo Livi laNkulunkulu lelisivimbela kutsi

sibe banaketfu, yinchubo lesiyijoyinako lesivimbela kutsi sibe banaketfu. Kunjalo. Ngako, sifanele sime kuphi na? Sime eVini, naNkulunkulu uyodvonsela bonkhe bantfu kuLo (kunjalo) ku-kuloko. Ningalokotsi nikuhlele, nikwente lihlelo, kugcineni noko nje kuNkulunkulu, futsi nje nibe nisolo nichubekela embili; nibukisisa nje siphetfo, nibambelele ngci, Nkulunkulu uyokuletsa konkhe lolokunye kwako.

¹⁹ Kube netintfo letinengi kakhulu leningentele tona, lengikutfokotelako. Manje uma nginganisita, ngasekuninikeni indvwangu yemkhuleko noma lokutsite. Manje, ningangibuti imfundziso, ngoba a—angifisi kwenta loko. Bantfu labanengi kakhulu unghibhalela imibuto mayelana nemshado nedivosi nakanjalonjalo, lokusihibe ebandleni. Ngihlala njalo ngibakhomba emuva, futsi ngitsi, “Buta umfundisi wakho.”

²⁰ Bantfu unghibhalele tincwadzi lapha futsi batsi, “Utsini ngaloku? Futsi utsini ngalokwa?” Ngiyikhomba emuva lencwadzi, nitokutfola. Bona umfundisi wakho etintfweni letincane ngoba, empeleni, ungumelusi wakho. Ngu—nguye—nguye Nkulunkulu lamtfume kutsi akubhasobhe. Futsi singahle singavumelani kuko, bese-ke loko kubangela kudideka ebandleni lakho. Asikufuni loko. Cha! Cha! Sifuna nje niyekele kwenta tintfo letisono, tintfo letiphumile eBhayibhelini, futsi nje nichubeke nekuya ngakuNkulunkulu. Niyabona na? Futsi uma nibanga kungevani lokuncane netintfo letinjalo, loko kutsikameta libandla. Ngako, nginganconota kutsi umelusi wakho akutjele ngemshado nedivosi, naletintfo *leti naleti* tintfo, akwentiwe nguye. Uyinceku yaNkulunkulu naye, futsi ukuhlomele kwenta loko.

²¹ Niyamkhumbula umSamariya lolungile lowatfola umuntfu alimele na? Wamngenisa endlini yetihambi (lelo libandla) wase unika lendvodza lapho bo-peni lababili, futsi wamtjela kutsi uma bekadzinga labanye ngetulu bekatombhadala uma efika. Ngako, unabo-peni lababili, uyakhona kukudokotela uma angumuntfu waNkulunkulu. Uma angumuntfu waNkulunkulu loma eVini laNkulunkulu, u—unaloko Nkulunkulu lamupha khona: uMoya neLivi. Ngabe kunjalo na? Sifanele sikhonte kanjani na? NgaMoya *nangeliCiniso*. NeLivi liliCiniso. Ngabe kunjalo na?

²² Manje, nginibonga ngemusa impela, futsi. Futsi manje, ngikhatsèle kabi, futsi ngikhatsèle sibili kulentsambama, angikahllosi kuhlala kulelinye lihhotela uma nje ngisaphila. Iphathi lenkhulu yalabadzakiwe, futsi busuku bonkhe, bashaya iminyango futsi bamemeta, nebesifazane... O! Ngavele ngavuka ngahlala, busuku bonkhe. Nguloko kuphela. Futsi ngako a—angikahllosi kuba nalelinye lihhotela. Ngitokuya ehhotela lebashayeli betimoto. Ngitotitfolela iloli kute ngikhone kulala kulo, ngaphandle enkhundleni ndzawanatsite. Ngitoyitfola,

ngititfolele lithende nesikhwama sekulala, noma ndzawanatsite lapho ngingaba khona ngedvwa, ndzawanatsite. Kunjalo.

²³ Sinesono kakhulu, lesive lesi, akumangalisi! Sesibe likhekheba letinyosi, futsi sabola kwate kwayofika emnyombeni. Khona lapha enhla kulenyе indzawо, esifundzeni sakini... Akusiso lesifundza lesi kuphela, ndzawо tonkhe. Khona enhla lapha, eminyakeni lembalwa leyendlulile, ngangise—semhlanganweni wetenkholo enhla lapha esifundzeni, lidolobha lelikhulu. Nangalobo busuku licembu letenkholo, libandla lemtsetfo linematjiti nemabhungu, bebanengcungcuthela. A—angitange... Sengike ngabase-Africa ngaphansi kwebutsakatsi nayo yonkhe intfo, angikaze ngive lutfo lolunjengaloko. Nangekusa lokulandzelako, (Ngingeke nganitjela ngco, sitetsameli leticubene)... kubekwe phansi, tintfo tesimilo lesibi letatikadze tentiwa, emabhoodlela enkantini yonkhe indzawо. Nalabobantfwanyana labancane, bafana nemantfombatane ekamelwени linye busuku bonkhe, bandzawonye. Futsi ngekusa lokulandzelako, u “fada longcwele” ahleti ngephandle lapho, nabo benyuka bamkhotsamela *kanjalo*. Ngaphansi kweliGama lajesu Khristu!

²⁴ Ngabe sengiyahlanya yini? Yini—yini indzaba ngami na? Ngingeke nje ngatimela letotintfo! Ku...kukhona lokunginyakatisa kungente ticucu uma ngibona loko. Ngabe loko kutomelela iNkhosi yami Jesu na? Lenalabadzakiwe, iphati yalabanesimilo lesibi netintfo letinesimilo lesibi le... isetjentiswa kuletotinsizwa netintfombi, kubekwe phansi nakubobhasikidi betibi, nemabhoodlela ne...O, hhe, nkhosiyami! Bewungakubita loko ngekutsi buKhristu na? Akumangalisi live lisesimeni lesinesono. Yebo-ke, sitsini soni uma sibuka loko na? Tinkhulungwane tato.

²⁵ Lawomantfombatane lamancane adzakwe ngangekutsi kwakulukhuni nekutsi akhone kusukuma, futsi basekamelweni busuku bonkhe nalabo bafana, nekucoca lokungcole lokusabisa kwendlula konkhe lowake wakuva emphilweni yakho. Ngabeka imicamelو etikwenhloko yami *kanjena*, kutsi ngitame kulala. Ngaphandle kwesiyo, badzakiwe, futsi bagijima behla benyuka phansi kanjalo, betenkholo!

²⁶ Manje, ngingabalindzela labantfu laba labanetono kanjalo, manje, labatibita ngetemidlalo, ngephandle lapha emdlalweni we-bhowlingi. Lomunye webantfwanyana bami lobekangacala aye ngaselainini lelincane lekudlalela i-bhowling, bengingamucosha eveni. Uh-huh. Nibita loko ngekutsi ngumdlalo, loko akusiwo umdlalo. Yini lena...Uma ufuna kuhamba kahle, lungisa naNkulunkulu. Liciniso.

²⁷ Ngifuna kunifundzela, emavi nje eBhayibhelini. Nitfola leli emavi lambalwa lengifuna kuwafundza lapha esihlokweni, latfolakala esahlukweni 17 semaKhosi ekuCala, livesi 1.

*...Njengoba iNKHOSI Nkulunkulu wa-Israyeli
aphila, lengime embikwakhe, akuyubakhona matolo
nanemvula kuleminyaka lena, ...ngekusho kwelivi
lami.*

EmaKhosi ekuCala, 1 sahlu-... sahluko se 17, livesi 1.

²⁸ Uma ngingakutfumelela indvwangu lekhulekelwe, nomangasiphi sikhatsi, ngibhalele nje; mabhalane wami lapha, lokhona manje, uMnaketfu Maguire. Bangakhi lowake wabanayo indvwangu lekhulekelwe levela kitsi na? Asibone sandla sakho. Sukuma, Mnaketfu Jim. Ngifuna kubona ku... wena, nemkakho futsi. Nangu mabhalane wami nemkakhe, labo losebentako, lowatfumela... Lowo ngumfana nentfombatane lenitfumelela tindvwangu tenu letikhulekelwe letivela emhlanganweni, bobabili emaKhristu latehlukanisele. Neliphimbo, lelophimbo lelincane lelimmandzi lenilivako elucingweni uma ningishayela, nguloyo dzadze lomncane lohleti lapho, umkakhe. Uyise nenina, nabo, balapha kanye natsi namuhla; na-nalabatsandzekako, ndzawo tonkhe. Ngako... Futsi-ke niyamati mabhalane wami wasensimini, uMnumz. Mercier, uMnaketfu Leo Mercier, ulapha ndzawanatsite, neMnaketfu Gene Goad. Futsi ngako uma singanitfumelela indvwangu lekhulekelwe, nomangasiphi sikhatsi, nomayimi lesingayenta, sinikhulekele elucingweni; nomayini lesingayenta, sitoyenta.

²⁹ Lendvodza lebukeka ingakejwayeleki nendvuku esandleni sayo, kunyatsela kwayo kuhamba ngekunyatfuta, emehlo ayo akhatimula iNkhatimulo yaNkulunkulu, silevu sayo siphephukela eceleni kuyo, sicephu lesidzala semvu lesineboya itisonge ngaso, yayenta sinyatselo sayo ngemandla lapho ihamba yehla ngemgwaco iya eSamariya. Yayingabukeki kakhulu kangako, kodvwa yayina ISHO KANJE INKHOSI walesosive lesikhulu saka-Israyeli. Ya, Eliya umThishibe, umprofethi weNkhosi. Bekangabukeki kangako, kodvwa bekaneLivi leNkhosi.

³⁰ Bekangesabi kuma embikwenkhosi, ngoba bekakadze aseBukhoneni balomkhulu kunenkhosi, bekakadze aseBukhoneni baJehova. Ngako-ke, bekat i lapho bekeme khona. Futsi ngesikhatsi ahamba embikwenkhosi akathithizanga futsi angingite, bekakwati lebekakhulum ngako. Bekangatsi enkhosini, “ISHO KANJE INKHOSI NKULUNKULU WA-ISRAYELI, ‘Akuyubakhona mvula kanjalo akuyubakhona matolo ngize ngiyibite.’” Wakusholani loko, “Ngize ngiyibite. Ngekwelivi *lami* na?” Ngoba bekaneLivi leNkhosi, bekangumprofethi, nemprofethi uneLivi leNkhosi.

³¹ Kuyintfo leshacisako kubona kuhambisana ekhatsi kwa-Israyeli welithestamenti leLidzala neMerica manje. Bobabili

babutive letinkhulu. Bobabili bebasunguliwe, nebantfu babo bebafile lapho, ngenca yekuhlushelwa inkholo.

³² Israyeli bekakadze ahlushwe nguFaro futsi bekakadze asebugcilini emakhulu eminyaka, lapho bebamukwe khona kukhonta Nkulunkulu weliciniso nalophilako, futsi bebakadze bemukwe leyonhlanhla; futsi baba tigcila. Kodvwa Nkulunkulu bekakadze abentele setsembiso eBhayibhelin laKhe, noma eVini laKhe, nangebaprofethi baKhe, kutsi Bekatobanika live. Futsi bebatokuta bangene kulelive bese bacosha tihlali talelolive, futsi bebakadze balidle laba lifa labo, ngoba Nkulunkulu bekanenhloso yekwenta loko.

³³ Futsi sikanjalo lesive setfu lesikhulu. Sifika lapha, futsi ePlymouth Rock lesive lesi sasungulwa enkhululekweni yenkholo ngoba bokhokho betfu bebabalekele kuhlushwa ngemaRoma enhubo yaJezebeli yesimodeni, futsi bebakadze bakhuphukile futsi bamela tinhlupheko letinkhulu nekuvela lukholo ngaphansi kwaleyonchubo yemanga yaJezebeli. Futsi ngekweliBhayibheli, kweSambulo, sahluko se 13, Nkulunkulu bekabetsembise libala lelivundzile elugwadvule, nendzawo, ngoba lowesifazane wetfwalwa wayiswa ehlane lapho ondliwa khona sikhatsi, sikhatsi, nekwehlukaniswa kwasikhatsi. Nkulunkulu bekente setsembiso kuMerica, noma ebandleni (kuwesifazane), kutsi bete bangene kulelive.

³⁴ Nisicaphelile Sambulo se 13 na? Tonkhe leletinye tilo tatikhuphukile tipuma elwandle, emanti lamanengi; Sambulo 17:17, satsi, “Lamanti lamanengi lowabonako akuminyetelana neticuku tebantfu.” Tonkhe leletinye tilo, tikhuphuka tipuma emantini, kuminyetelana neticuku tebantfu. Kodvwa ngesikhatsi i-United States ikhuphuka, “Ikhuphuka ipuma emhlabeni lapho kwakungekho bantu khona.” Futsi khumbulani, ngesikhatsi ikhuphuka, yayibukeka ifana neliwundlu lelincane.

³⁵ Manje, liwundlu linetimphondvo letimbili, nalawo ngemandla emphucuko newebufundisi. Kodvwa ngesikhatsi sekuhlangana, khumbulani, khona-ke lelowundlu lase likhuluma njengoba enta drago embikwalo; nadrago kwakuyiRoma.

³⁶ Ngesikhatsi drago ema phambi kwalowesifazane kutsi ashwabudzele umntfwana wakhe masinyane nje angatalwa, drago lobovu... Ngubani lowema phambi kwalowesifazane Israyeli, kutsi ashwabudzele loMntfwana masinyane nje aNgatalwa, futsi watfumela kuhlushwa futsi wabulala bonkhe bantfwana kusukela kulabaneminyaka lemibili budzala kwehle njalo na? “IRoma, drago, wema kulowesifazane kutsi ashwabudzele umntfwana wakhe masinyane nje angatalwa.”

³⁷ Bese-ke, siyatfola, lelive lakhuphuka njengelive lelikhululiwe, futsi lali... lalineliwundlu, lokuchaza liWundlu

laNkulunkulu. Kodywa, emvakwesikhashana, lenchubo lefanako lesinayo, yakhuluma njengadrago futsi yasebentisa onkhe emandla drago lebekanawo embikwakhe.

³⁸ Bayahambisana, lomunye kulomunye, ngalokuphelele. Futsi khumbulani ngesikhatsi leti... Israyeli wakhuphuka wase utsatsa likhaya lakhe lendzabuko nePhalestine, wacosha tonkhe tihlali talelolive wase uyalidla live. Sangena sase siyalitsatsa emaNdiyi, sawacosha sasesitsatsa lelive. Nkulunkulu bekanesizatfu saloko. Nkulunkulu bekatobonisa umhlaba kutsi Bekangentani nge—ngesicukwana sebantfu lebebafuna inkhululeko, nenkhululeko yenkholo, kuhonta Nkulunkulu.

³⁹ Bamentelani Israyeli? Wenta Israyeli sive lesinemandla kakhulu kwendlula tonkhe emhlaben, futsi wahlala ngaleyondlela waze waphuma entsandvweni yaNkulunkulu. Yini Layenta ngeMerica na? Wayenta yaba sive lesinemandla kwendlula tonkhe emhlaben saze saphuma entsandvweni yaNkulunkulu. Ayahambisana, leliney kulelinye, impela.

⁴⁰ Ngesikhatsi Israyeli eta ngalapha eveni, beba—babantfu labakhulu ngoba bebanebholi lobukhulu. Bebanemadvodza lamesabako Nkulunkulu ngetulu kwabo, njengaDavide nje, iNkhosi Solomoni. Wonkhe umhlaba wawubesaba, futsi bayitfokotela leyonhlanhla yekungabi natimphi, kungekho tinkhatsato, futsi baphila ngaphansi kwemandla aNkulunkulu, baze bantfu labavela kuwo wonkhe umhlaba lowatiwako beta kutobabona. Nkulunkulu wabapha siphiko sekubona lokufihlakele, sasisetikwaSolomoni. Nendlovukazi yaseNingizimu, levela... indlovukazi yaseSheba yeta isuka le enhla kuncamula luGwadvule iSahara (kuyitsetse tinyanga letintsatfu) kutova nje kuhlakanipha kwaSolomoni. Futsi ngesikhatsi ibona kutsi Solomoni bekakwati kuhlola bomoya, futsi wamatisa timfihlo enhlitiyweni yakhe, yatsi, “Konkhe lengikuvile ngawe bekuliciniso, nalokunengi ngaphandle kwaloko.” Weneliseka kutsi lowo kwakunguNkulunkulu.

⁴¹ NeMerica, etikwetisekelo tabokhokho betfu labeta lapha ngenga yenkhululeko yenkholo... Sasinemadvodza lamesabako Nkulunkulu kuletotinsuku, njengebaholi: George Washington, Abraham Lincoln, emadvodza lanesimilo seludvumo, emadvodza aNkulunkulu. IMerica yayiyiMerica, ngaletotinsuku.

⁴² George Washington, lapha eValley Forge, ngaphambi kwekutsi ewele iDelaware, akhuleka busuku bonkhe, wate waba manti kwayotsi ngci elukhalo lwakhe, aguce echweni. Futsi ngekusa lokulandzelako ngesikhatsi emaMerica acala kuwela, kwakukhonha kuphela cishe emaphesenti langemashumi lamabili abo lebekaneticatfulo langatigcoka, uMbutfo wetemphi waseMerica. Kodywa bekanemgom, bekanentfo letsite lebekadzinga ayilwele. Bekangakhatsali kutsi kufikani noma

kuhambeni. (Balimi bayangena, amise likhuba lakhe bese ukhipha inkhabi yakhe, bese utsatsa sibhamu sakhe futsi ayowlela loko lebekati kutsi kwakuyinkhululeko.) Futsi ngelusuku lolulandzelako, ngikholwa kutsi kwakungilo, timbobo letine noma letisihlanu tetinhlavu tesibhamu (tinhlavu tesibhamu imaskhethi) yabhola libhantji lakhe nesigeoko futsi ayitange imtsintse.

⁴³ Emadvodza aNkulunkulu, asungula lesive lesi, emadvodza lamakhulu! Akumangalisi abhala:

Kwangatsi live letfu lingachakaza kadze
Ngekukhanya lokungewe kwenkhululeko;
Sivikele ngemandla aKho,
Nkulunkulu lomkhulu, Nkhosi yetfu!

⁴⁴ Esikhatsini lesitsite lesendlulile, ngakhuluma nelikhehla entasi eCorydon, e-Indiana. Langitjela mayelana nekutsi ngesikhatsi ikhaphitholi iseCorydon, nekutsi kanjani la... latsi lalihamba kanjani ngencola yetinkhabi lehla kuyova u—umbusi akhuluma. Futsi lona nembusi kwakungibo bobabili kuphela lebebane thu-phisi, isudu, bayigcokile. Latsi lalifuye timvu futsi litihhula, futsi ligeze tiboya tato, bodzadzewabo batiphotse bese balentela libhantji lekutsi lihambisane nelibhuluko lalo. Nalomfo lomdzala ahleti lapho, ngalesosikhatsi litsi alibe neminyaka lengemashumi lasiphohlongo nesihlanu noma emashumi layimfica budzala, liphulule silevu salo kanjalo, lase litsi, “Billy, kulapho la i ‘Amerikee’ yayiyi ‘Amerikee.’”

⁴⁵ Ngambuka lomfo lomdzala, ngase ngiyacabanga, “Mfana, u...incumbi yalaba labasha bebangeke bakukholwe, kodvwa ukhuluma liciniso.”

⁴⁶ Kwentekani ku-Israyeli envakwalo lonkhe lelimuva lalokumesaba Nkulunkulu na? Bacala kungakhatsateki. Bacala kutfola indzawo lapho ba, yebo-ke, bebangakhatsateki kutsi kwakuchubekani. Bacala kucekisa emandla ekukhonteni kwabo Nkulunkulu, naloku nje babamba simo senkholo njengoba nje sinaso. Bebanesimo sekumesaba nkulunkulu. Kodvwa bacala kukhululeka nebantfu bakubo, futsi—futsi bacala kungenisa kukholwa lokuphambene nekukholwa lokungiko lokwehlukene ebandleni labo. Kukhontwa kwaBhalimu kucala kungena ngekunyanya, na-Israyeli uba ngulohlanyiswa yinjabulo, wadzakwa, netintfo letinjengaloko, futsi ekugcineni bangenisa umholi lobekangamati Nkulunkulu; Ahabi, lowangena esikhundleni seyise. Neyise bekayindvodza lengamesabi nkulunkulu, injinga, kodvwa indvodza lengamesabi nkulunkulu. Futsi wente tonke tono, kwendlula noma ngubani ngaphambi kwakhe lowake wakwenta. Kodvwa Israyeli, ekudzakwensi kwabo lokumis'ingcondvo, bafaka indvodza lenjengaley, futsi bayibeka esihlalweni sebukhosi kutsi ibe ngumbusi etikwabo. Bebacabanga kutsi kwakulungile, njengoba nje kwenta incumbi

yemaMerica namuhla, "Ulilunga lephalamende lelikahle, ngako kwenta mehluko muni na? Ngeke kwente mehluko, ngoba ulilunga lephalamende lelikahle."

⁴⁷ Incumbi yemaMerica, labanengi kakhulu babo, utsengise ngebutibulo babo, njengewaseMerica, futsi batsi, "Kwenta mehluko muni, kuphela nje uma utfola emadola lambalwa latse gcagca kuhulumende futsi uphile na?" Babutsengisa esiswini, nasetinkhanukweni nekukhanuka kwalelive lelinesono, futsi bakhohlwa ngiyo kanye nje lentfo lesayehlela ePlymouth Rock. Balikhohlwa lifa letfu, base bayahamba futsi balitsengisela ticuku letihlanyiswa yinjabulo. Njengoba kwakunjalo ngetinsuku taka-Israyeli, kubenjalo-ke, iMerica itsetse lowomgwaco lofanako, yehla ngco ngendlela lefanako, injabulo!

⁴⁸ Emvakwesikhashana, hulumende wasiphasisa sono: "Kuphela nje uma naninelisinagine, kwenta mehluko muni na?" Nguloko impela lokwentiwe yiMerica. Futsi sicala kutihlela tsine lucobo sibe ndzawonye futsi senta emacenjana, nalokunengi kona, lokunengi kona, lokunengi kona. Ngabe sahlala nemigomo sibili lesayehlela lapha! Sono sicala kungena ngekunyanya emabandleni njengoba nje senta ngalesosikhatsi. Besifazane bacala kuhhula tinwele tabo, bagcoka timphahla tekungatihloniphi, batihhula njalo ngemnyaka futsi... Nebesilisa bacala kwenta *loku*, *lokwa*, *nalolokunye*, futsi badlala emakhadi futsi benta imidlalo ye-bhankho ebandleni, futsi nje alive mbamba nje, ahlanyiswa yinjabulo, nekudzakwa balahlekelwe yingcondvo.

⁴⁹ Bashumayeli betfjeswa ticu letivela kusemina, nembhishobhi atsi, "Shumayelani, bafana, nomayimi lenifisa kuyishumayela. Ngekwati kwami, ingati yaJesu Khristu yoma eminyakeni lengemakhulu lalishumi nemfica leyendlula." Laze libandla langefiki ndzawo kodvwa inhlangano, njengelidlangala. Kwangatsi ningete nakhohlwa kulentsambama! Liba njengelidlangala, live licala kungena ngekunyanya, bashumayeli bacala kuncemphetisa njengoba nje benta ngetinsuku ta-Ahabi. Labanesono, babole kwate kwayofika emnyombeni, futsi kwachubeka njalonjalo ngalokukhulu nje kushesha lokwakungakuhamba.

⁵⁰ Naloku nje Nkulunkulu abatfumelela umprofethi emvakwemprofethi, nangemusa lomnengi lomnene Ancusa kubantfu, futsi baLifulatsela. Bebefuna indlela yabo, bebangema-Israyeli, bebakhululekile, bebasive lesikhulu, bokhokho babo benta *kutsi-nekutsi* (Davide naSolomon), bebangenta noma yini lebebefuna kuyenta. Info lefanako nje lesesekeleke kuyo, impela; loko Washington, bokhokho betfu, naloko labakumela. Kodvwa, mnaketfu, sikhweshe ngemamayela lasigidzi kuletotintfo; emabandla etfu anjalo, emamayela lasigidzi.

⁵¹ Lenzala...Libandla leMethodisti namuhla, kuloko libandla leMethodisti lalivame kuba ngiko! Loko iPhentekhostali lengiko namuhla, naloko leyayivame kuba ngiko! Loko iBaptisti lengiko namuhla, kuloko yayivame kuba ngiko! Sibenaso sikhatsi sekubuyela emuva bese sikhuluma ngaJohn Smith nalabanengi balabo baguculi basekucaleni. John Smith watsi, ngaphambi kwekutsi afe, watsi, "Intfo lembi kakhulu kutsi besifazane beMethodisti bacala kufaka tindandatho tegolide eminweni yabo." IMETHODISTI! Bekayotsini namuhla kubabona bakhule tinwele tabo, napende kubo bonkhe buso babo, bagcoka tikhindi na? Kungenca yesono!

⁵² Nkulunkulu wenteni eMerica na? Watfumela imvuselelo emvakwemvuselelo, imvuselelo emvakwemvuselelo. Bafundisi ushumayele Livi, watama kubita bantfu babuyeleye kuNkulunkulu. Futsi bentani na? Intfo lefanako leyentiwe ngu-Israyeli, baLala! Bahlekisa ngabo! Bababita "ngebagiciki labangcwеле"! Babaphonsa ejele!

⁵³ Uma lomunye wabodzadzewetfu nalomunye webanaketfu, lophuma kulelibandla namuhla, bebangema kulelohhotele itolo ebusuku futsi baphakamisa tandla tabo futsi badvumisa Nkulunkulu futsi bamemeta kulelokamel, ngabe basejele namuhla ngako. Kodvwa letidzakiwe, lesilahlekelwa yingcondvo sicuku sebulima "bagiciki labangasingcwеле" bangasukuma lapho futsi bamemete busuku bonkhe; futsi badzakwe, futsi betfuke futsi babambe timphahla tabo batikhumule kubesifazane babo futsi bachubeke, futsi bawe esiyilweni futsi bamemete busuku bonkhe, futsi ngeke ngisho sebasho lutfo ngako. Akumangalisi silahliwe ngaphansi kwesandla saNkulunkulu!

⁵⁴ Caphelani, kuchubeke njalonjalo, Nkulunkulu watfumela bashumayeli, wenta tibonakaliso netimanga, afakazela Livi laKhe. Nentfo lenkhulu kakhulu, incumbi yebafundisi besimodeni baLala futsi bahlekisa ngayo yonkhe imvuselelo. Njengaloko lokubitwa ngeChurch of Christ nabo, "Tinsuku temimangaliso selwendluile". Betama ngemandla abo onkhe kukuvala kuleyonsali yaNkulunkulu lencane. Njengoba kwakunjalo ka-Israyeli, kunjalo nanamuhla. Tikhatsi letinengi, Nkulunkulu utokhipha bantfu baKhe kuletotinhlangano nemahlelo, abakhiphele ehlane babodvwa, kukhuluma nabo. Futsi Utawuba nensali, ningakhatsateki ngaloko. Wakwenta ngalesosikhatsi, Utokwenta manje. Kwachubeka njalonjalo bendlula esonweni, baklabhuta etintfweni. Ngani na? Buholi babo, kute lokungakumisa.

⁵⁵ Yebo-ke, liciniso, ngiyati tive letinengi kutsi uma betingabamba bantfu esitaladini bagcoke njengoba senta lapha eMerica, betingabafaka ejele. Ngesikhatsi ngiya eSaint Angelo, eRoma (manje, kucabangeni, njengoba loko kuphansi kanjalo), bebaneluphawu etulu lapho, ngemigedze yemathuna iSaint

Angelo, “Kubesifazane baseMerica: ‘Sitani nigcoke timphahla futsi nihloniphe labafile.’”

⁵⁶ Uma kukhona nomayini lekugulisako, kubona sicuku salabo lababitwa ngemaMerica bangena. Ngangihleti phansi, eLausanne, sasititika ngenyama lebovu letsite, ngalelinye lilanga, uMnaketfu Arganbright nami. Ngakusasa, sabuyela emuva ngoba kwakukudla kamnandzi. Ngangititfolela emanti lapho, bebanganiketani lutfo ngaphandle kweliwayini. Futsi ngangitfolaa emanti, ngangitiphatsela lijeke lemanti ngaphansi kwemkhono wami, ngaso sonkhe sikhatsi, ngoba bebangakuniki emanti etafuleni. Ngase-ke ngiyangena lapho, futsi yonkhe intfo yayiyinhle kwate kwangena “Nkhosatana America” nalencane, lengcolile, injaleneboya lobunikitelako nelikhala leligewe emafinyila; afake bucwebe lobenele sitolo lesitsengisa tintfo tasheleni *kanjalo*, nasikilidi aphume ekugcineni *kanjena*, wahlala phansi lapho afake intfo lebekangesiyo; wase ubeka leyonja leneboya lobunikitelako etikwelitafula, lengcolile, intfo lenyanyekako.

⁵⁷ Yona i...injalija iyintfo lembi kwendlula tonkhe Nkulunkulu lakhulumu ngayo. Ngisho nekweshumi kwato ngeke kwakhokhwa ngisho nasendlini yaNkulunkulu. “Injengengwadlakati, kweshumi kwengwadlakati,” liBhayibeli lasho. Futsi, noko, nako laph’ukhona. Benta kuhlel’umndeni futsi bakhokhe emadola latinkhulungwane, cishe, ngenja lendzadlana; bese bayayihola futsi bayinike lutsandvo lwemntfwana, kute akhone lowesifazane kugijima ngephandle busuku bonkhe, futsi ente kuhlel’umndeni.

⁵⁸ Yini lokulindzele ngaphandle kwencushuncushu! Ungahle ungaphindzi ulive liphimbo lami futsi, kodvwa ngifuna nikukhumbule loku: Sisekugcineni!

⁵⁹ Lapho, siyatfola kutsi kwentekeni, kwentani. Ekugcineni, li-awa *lelikhulu* liyafika: Ahabi wakhetfwa, futsi ngesikhatsi akwenta, washada naJezebeli; lowo wesifazane lomdzala lobolile lowaholela wonkhe Israyeli ekukhonteni titlico. Futsi njengoba na-Israyeli enta ngalesosikhatsi, ngani, loku... Kufanele kutsi bebasimeni sekuhlubuka, kutsi bake bate bavumele intfo lenjengaleyero kutsi yenteke esiveni sabo. Imitsetfo yentiwa bantfu bayentela bantfu, natsi sente intfo lefanako!

⁶⁰ Kwakukhona sikhatsi lapho iMerica yayingeke ibe... . bebatikancono kunekutsi bavumele lengwadla lendzala, ingwababane lendzala leyanatsa ingati yalabafela-lukholo, yababulala, nesizatfu babalekela lapha, bentela inkhululeko, bebaneke babeketelele intfo lenjalo. Kukhombisa kutsi sisimoni sekuhlubuka, sive sonkhe, kutsi bakhetse intfo lenjengaleyero. O, kusobala, manje ni...labanye benu bemaDemokhrathi akadzeni niyocabanga loku, kutsi “O, yebo-ke, utoba—utoba yinhloko yetembusave lekahle.” Loko

kungevakala kahle emizindlwani, emcondvweni wenyama. Kodvwa eVini laNkulunkulu nasemcondvweni wakamoya, akuwenti umcondvo. Impela akuwenti, emadola lambalwa latse gcagca laphumako nemitselo letsite noma intfo lenjengaloku lokujutjiwe.

⁶¹ Futsi sinesikhatsi lesimativa, titfunywa tetfu tenkholo ensimini namuhla, ngoba manje sitsatfwa ngekutsi sisive lesiyiKhatolika. Ngani, impela, iRussia itsatfwa ngekutsi ibukhomanisi ngoba inemholi webukhomanisi. IShayina lebovu itsatfwa ngekutsi ibukhomanisi ngoba inemholi webukhomanisi. Sitsatfwa ngekutsi siyiKhatolika ngenca yekutsi sinemholi loliKhatolika.

⁶² O, ngesikhatsi Ahabi asesihlalweni sebukhosi... Wena utsi, “*Yena usesihlalweni sebukhosi.*” Kunjalo, kodvwa Jezebeli bekayinhloko emvakwalesosihlalo sebukhosi. Bekanguye lowenta lokuhola. Bukani kutsi wayitsatsa kanjani yona lemitsetfo yelive wase uayishwila uayajikisa, futsi entela kutsi kuzuze yena lucobo nangebugovu, futsi wenta Ahabi kutsi akwente ngoba bekamshadile. Futsi kungaleyondela ngemholi wetfu namuhla. Angisho kutsi akasiyo indvodza lekahle, kodvwa bukani kutsi yini lesemvakwakhe: ingwababane, yona kanye nje lentfo lesayibalekela lapha (kutsi sibe yiMerica) ngayo; yona kanye nje imigomo iMerica leyakhele etikwayo. Tsine, ngekutikhetsela kwefu lucobo lokukhululekile, sakhetra intfo lenjengaleyo.

⁶³ Manje niyabona kutsi kungani liphimbo lami litomiswa masinyane impela nje. Kodvwa ukhona lotokwati! Yebo! Ngani na? Sambulo 2:20, utibita nge “mprofethikazi.” Bukisisani nje ligagasi lesongo lanteka manje. Bukisisani umnyombo uhamba uyotsi ngcu emnyombeni. Bukisisani kwesimodeni, bukisisani tintfo tekungamesabi nkulunkulu tenteka emabandleni. “Futsi, ekugcineni, kuyofika kuhlushwa,” liBhayibheli lisho njalo, ISHO KANJE INKHOSI! Impela, kuyobakhona.

⁶⁴ Manje-ke kutokwentekani na? Njengoba kwenta nje ngalesosikhatsi, kutoba njalo namanje. Bekanemandla emvakwaso, nguye lobekasilawula. Fundzani i...Ngikholwa kutsi lesikhombisa-...cishe sahluko se 17 noma se 18, kungalapho ekhatsi, nitotfola kutsi Jezebeli wentani: kutsi wamtsatsa kanjani Ahabi, futsi wangasho lutfo ngoko ngoba kwakungumkakhe. Bukani kutsi lesive sasakhelwe etikwani ngalesosikhatsi, um-Israyeli lohlubukile nemfati lolihedeni (emvakwakhe) lobekangumkhonti waBhalimu. Futsi wentani na? Ekugcineni wenta yonkhe intfo yaba simodeni kakhu, futsi ibe yinhe kakhu, nebantfu bebanako kalula kabi, laze lonkhe libandla lakutsandza, bashumayeli nabo bonkhe. Akashongo yini Eliya, “Nkhosi, ngimi kuphela losasele”? Futsi njengoba kwakunjalo ngalesosikhatsi, kuyahambisana nanamuha.

⁶⁵ Bonkhe bebesaba kusho nomayini. Akufani yini nje njengentfo lefanako namuhla na? Bebesaba kusho lutfo. Ngako siyatfola, bebangenasimilo nje, babudlabha nje, kudzakwa, bachubeka, bahlanyiswa yinjabulo, nako konkhe lokunye, njengoba kunjalo nje namuhla. Jezebeli ashintja leyomiBhalo... Wentani lowesifazane... noma leyomitsetfo, njengoba—njengoba Jezebeli atoshintja. Khumbulanji, Jezebeli, utibita nge “mprofethikazi,” kutsi atfobise bantfu, futsi utsi yena u “ngulona kuphela liphimbo laNkulunkulu emhlabeni.” Uyokwenta lowomcondvo wenyama kutsi ukukholwe loko impela nje njengelive.

⁶⁶ “Kuyofika kakhontwa kwewesifazane, e-United States, nalowo kuyoba nguMariya.” Ngikubonile, emashumi lamatsatfu...1931. Tintfo letisikhombisa tenteka. Nginako ngco ephepheni lapha, kimi, ngakubhala nga 1931. Kutsi ngasho kanjani kutsi “LoMengameli lona, Franklin D. Roosevelt, uyobangela umhlaba wonkhe, asite kutsi kwentiwe, atfumele umhlaba emphini.” Asengaketi emphini, ngetikhatsi tekucindzeteleka. Ngatsi, “Lenye intfo,...” Namake wami, loyiDemokhrathi yekucina, uma angakangibuki kamatima ngesikhatsi ngisho loko. Ngatsi, “Angikhatsali noma bekayiRiphablikhi noma bekayiSoshiyalisti noma uyini, lona ngu ISHO KANJE INKHOSI.” Futsi ngatsi, “Kwenta loku, bavumela besifazane kutsi bavote. Futsi uma benta loko, bente lelinye lemahlazo lamakhulu kunawo onkhe lesive lesake sawenta.” Ngase ngitsi, “Ngalelinye lilanga bayokubhadalela loko.” Futsi bakwenta kulolukhetfo lolwendlulile. Nguloko lokumkhetsile, besifazane.

⁶⁷ Nani nine bantfu labaligugu labangemakhalatsi, eNingizimu, kutsi navota kanjani! Nitsi, “Awungenelani nekusho loko epulpiti.” O, yebo, ngiyangenelana, Livi laNkulunkulu! Nelibala le-la-Abraham Lincoln, loyo lowanikhulula, lelilele ngaleya kulowomsamo engubeni yewesifazane, futsi nitsengisa ngebutibulo benu. Lihlazo kini.

⁶⁸ Nani nine bantfu, ngetembusave, ngoba nje niyiDemokhrathi lenhle, navotela intfo lenjengaley, futsi natsengisa ngebutibulo benu bebuMerica nebuKhristu, kutsi nibunikete ingwadla lesigijimisako kulesive, lokwasenta saba nguloko lesasingiko. Niyabona kutsi beyisolo ingena ngekunya na? Kalula sibili, seyize manje isesihlalweni sebukhos. Impela! Sihlalo sebukhos seWhite House.

⁶⁹ Bukisisani! Vele... Nibonile yini ngalelelinye lilanga mayelana netikolwa temaKhatolika netikolwa temaPhrosthestane na? Tesekela sikolwa semaKhatolika kodvwa hhayi sikolwa semaPhrosthestane. Niyabona na? O, mnaketfu! Bukisisani ligagasi letintfo tivela manje. Caphelani, futsi njengoba bakwenta, bukani kutsi kwentekeni. Sonkhe lesono

singena sincwabelana. Sesifike endzaweni futsi safika esiveni kulolohlobo lwendzawo leyendzako.

⁷⁰ Eminyakeni lembalwa leyendlulile, ngesikhatsi bebane... emaPhentekhostali ahlephuka kwekucala, kwasindzisa sive eminyakeni leyendlulile ngesikhatsi Al Smith atogijima. IMerica beyati kancono ngalesosikhatsi. Kodvwa iPhentekhosti yaba live kakhulu yachubeka ngco yangena futsi batsengisa ngemalungelo abo njengemKhristu, kutembusave, futsi ngetembusave ngembili kweliBhayibheli. O, hhe!

⁷¹ Manje, umzuzu nje, futsi bukisisani nje kutsi loku kuphuma kanjani. Manje, siyatfolia kutsi bentani netintfo labatenta, siyakubona kuhambisana lapha ngako impela nje, sono kuyoyonkhe indzawo. Jezebeli uyangena, watsakatsa bonkhe bantfu. Futsi caphelani, ekugcineni, ucala kwakha emathempelana lamakhulu awakhela Bhalimu. Ngabe kunjalo na? Nebaphristi bakaBhalimu batfutseleka bavela ndzawo tonkhe kutsi bangene kuleyondzawo, futsi bacala konakalisa emave ngekukhonta kwaBhalimu.

⁷² Bukani kutsi bente kanjani, bukani kutsi bangenise kwelukhula kanjani. Tintfo nje labatentile, bukani kutsi bakuphi namuhla. Bukani buKhatolika bugwinya, bugwinya, bugwinya; bushada kuko, bephula loku, kona kanye nje-loko Danyela latsi bayokwenta. Insimbi nelubumba kwakungakhoni kuhlangana, kodvwa bahlanganisa timbewu tabo lomunye nalomunye, ephula. Yonkhe intfombatane leyiPhrothestane ishada nemfana loliKhatolika ifanele ikhulise bantfwana bayo babe yiKhatolika. Konkhe kanjalo, bashada, bahlangana, kanjalo sekute kwafika endzaweni lapho yonkhe i-United States yonkhe seyigcwele timphetfu yonkh'indzawo.

⁷³ Sitokwentanjanji njengetitfunywa tenkholo, titawuphumela ngaleya kutsi tikhulule iNingizimu Merica nayo yonkhe incenye yemhlaba, Tommy Osborn nabo, batama kutfolia bantfu kutsi baphume kulobo buhedeni futsi bangakhomba ngemuno wabo emuva ngco kutsi sakhetsa umholi wetfu, nentfo lefanako. O, Nkulunkulu. Kutokwe—kutokwentekani kulomhlaba na? Kufanele kunyakatise wonkhe umuntfu ekhatsi lapha. Sitophendvula kanjani na? Sitotsini sitfunywa senkholo uma batsi, "Nita lapha kutsi nisikhulule kuloku, nebandu bakini lucobo bafaka intfo lefanako emahhovisi enu lapho, esihlalweni sebukhosi"? Sitokwenta kanjani ku...Ini...

⁷⁴ Bukani emuva emakhasini emlandvo, vulani emuva futsi nibone uma ku—uma kungiko mbamba, cishe impela, kuphambene nemtsetfo sisikelo kuko kutsi kubenjalo. Bebangke bakwente eminyakeni leyendlula kodvwa, niyabona, sitsengise ngemalungelo etfu ebukhristu kutembusave, futsi utiphicela kanjalo develi ekhatsi. Ahabi bekangesilutfu kuphela angumholi nje waJezebeli ngeligama. Nguloko

kuphela loku lokutoba ngiko, inhloko ngeligama nje. Ngeke atentele ngekwakhe, kodvwa leyonchubo emvakwakhe iyomchubela kuyo. Kunjalo impela! Ncinta nembeza wakho, wena mKhristu. Tipaphamise wena, sikhatsi sesihambile kunalolokucabangako. Lesimo lesikuso, simo lebebakuso, nekutsi batiyekelela kanjani bona lucobo bebangenasimilo.

⁷⁵ Kufanele kutsi inhlitiyo yaNkulunkulu lenkhulu letsandzako yakhala kakhulu, futsi ilila, lapho Abona bantfu baKhe labatitfunywa tenkholo. Wabenta sibonelo, tonkhe tive tivela ndzawo tonkhe ngoba Nkulunkulu bekababusisile, bababona basebunyeni, ngakamoya, bakhonta Nkulunkulu. Futsi-ke kucabanga kutsi Be-Bekakulangatelele kubabona babuyela elutsandyweni lwabo lwakucala futsi bente loko lokwakulungile, kodvwa ngekuchubeka bahamba bakhwesha, futsi bakhwesha, futsi bakhwesha, kwaze kwatsi ekugcineni Jezebeli wangena. Nguloko kanye nje lesikwentile. Sakhukhuleka sisuka etimisweni taKhristu. Ngesikhatsi Nkulunkulu atfumela bashumayeli baKhe esiveni sonkhe, bashumayela bungcwele (iPilgrim Holiness, emaNazarini, emaPhentekhostali), “Buyelani kuNkulunkulu! Buyelani kuNkulunkulu!”

⁷⁶ Nemabandla sibili akudzala lasatfutfukile avele ahlekwa nje futsi kwhalekiswa ngawo. Incumbi yalawomakholwa esimodeni, ngani, bagceka yonkhe intfo lawomadvodza lebekayentile futsi atsi “Kwakukwadeveli.” Kwentani na? Nelibandla licala kukulalela, linengi ngesibalo licala kulalela. Intfo yekucala niyati, “Uma lowesifazane loyiKhatolika bekangagcoka leti luhlobo lwetintfo, iProthestane beyingakwenta nayo. Uma libandla laseKhatolika belingenta *lu*, iProthestane beyingakwenta nayo. Ngako-ke uma iMethodisti beyingenta, kutsiwani ke ngeBaptisti na? Khona-ke uma iBaptisti beyingenta, kutsiwani ke ngemaPhentekhostali na?”

⁷⁷ Niyabona, tikungenisa lapho-ke tinchubo letentiwe ngumuntfu. Haleluya! Loko kuliciniso. Ngulesosizatfu ngimelene nayo, ngoba Livi laNkulunkulu limelene nayo. Tinchubo letentiwe ngumuntfu: Nkulunkulu umelene nayo, Livi laKhe limelene nayo, baprofethi baKhe bayomelana nayo, tinceku taKhe teliciniso tiyomelana nayo, wonkhe lowo lotelwe nguMoya waNkulunkulu uyomelana nayo.

⁷⁸ Bukani kutsi Israyeli watfola kanjani, kutsi bantanta kanjani neligagasi, waze ekugcineni Jezebeli wefika. Bukani kutsi iMerica yatfola kanjani, futsi yantanta kanye neligagasi lelive, waze Jezebeli watsatsa sihlalo sebukhos. Kunjalo. Manje, Jezebeli ecinisweni bekangekho esihlalwени sebukhos saseGibhithe...noma, sihlalo sebukhos sa-Israyeli, kodvwa bekayinhloko lenkhulu emvakwalesahlalo sebukhos. Nekubusa etindzabeni letingcwele kweKhatolika akukho esihlalweni sebukhos sase-United States, kodvwa liyinchubo lesemvakwaso

ngoba ushade nayo. NeliBhayibheli latsi, kulelive, bayokwenta “umfanekiso *lofananiswe* nesilo.”

⁷⁹ O, mnaketfu, dzadze, yin’indzaba na? Yebo-ke, ngi—ngiyati kutsi yini. LiBhayibheli latsi bayotfola lomnyaka waseLawodisiya, futsi ngulapho-ke la sikhona. Ningahle ningitondez manje, kodvwa ngalelinye lilanga ningeke uma senitfola kutsi yini liCiniso. Ningahle ningavumelani futsi nisukume futsi niphume endlini nihlutfukile, loko nje kukhombisa kungafundzi kwenu. Kodvwa ngalelinye lilanga niyocondza, ngalelinye lilanga niyolangateleta futsi nati kutsi kuliCiniso! NgiLikhuluma eGameni leNkhos! Ngitiphanyeka ngibe yinkoyoyo, lokuyotsi ekugcineni kungichubele ethuneni. Ngitoba ngufakazi ngize ngife, uma Nkulunkulu atongisita. Kunjalo.

⁸⁰ Naku sikulesimo lesi lesikuso namuhla, konkhe kwako kuhamba kanjalo. Na-Israyeli, kutsi Ahabi wenta kanjani, inhloko ngeligama yaJezebeli ngoba yena wa-...bekashade naye. IMerica, umholi wetfu, wenta kanjani u...Niyati kutsi umholi wetfu bekasicebi na? Bangakhi lokwatikolo koko na? Sotigidzigidzi. Lomunye wangitjela, ephephabukwini noma umsakato lotsite noma mabona kudze noma lokutsite, Jack Benny noma lomunye umuntfu wenta i...Ernie Ford, ngikhulwa kutsi kwakunguye. Lomunye umuntfu watsi “Uyise wamsita kutsi atfole tifundza letimbili lokwakungesito takhe.” Sesitsi nje asibe sakhe sonkhe. Wasitfola kanjani na? Yefika kanjani leyomali na? Ngekutsengiselana inkantini, netjwala. Kungalesosizatfu ehlika imitselo enkantinini netintfo. Nguloko lokwamenta sicebi. Yona kanye nje lentfo leyacalekisa sive sakitsi, yona kanye nje lentfo leyonakalise tingcondvo tebantu bakitsi, intfo letfumele bafana betfu kutsi babetidzakwa, nemantfombatane etfu kutsi abe tingwadla, imali lephuma kuloko yamenta sicebi.

⁸¹ Intfo lefanako, leyonchubo lendzala yaJezebeli, intfo lefanako leyahlupha bantu betfu, lentfo lefanako leyabahudvula yabakhipha (ebuRomeni) yase iyabashisa yabahlubula behlukana ekhatsi futsi yenta yonkhe lentfo kubo, ingati lefanako yalabafela-lukholo (liBhayibheli liyasho) likuye! Nabo lapho bakhona, bashade ndzawonye. Natsi maMerica siyendza siya phambili ngco, “O, yebo-ke, sinemadola lambalwa latse gcagca futsi sinesikhatsi lesimnandzi. Sincono kunato tonkhe tive.” Kodvwa, mnaketfu, lindza umzuzu nje.

⁸² Asikutsatse ngencwadzi nencwadzi manje, kwemizuzu lembalwa lelandzelako, sibone kutsi kwentekeni.

⁸³ Labashumayeli bahambisana ngco, nje batinikela kubo, bachubeka nabo ngco, yonkhe inchubo. Yonkhe inchubo yem-Israyeli yahambisana ngco naJezebeli. Bebanesimo, yebo. Futsi alisitjeli yini liBhayibheli kutsi ngalolu tinsuku tekugcina

siyoba ne “simo sekumesaba nkulunkulu”? Tonkhe tiprofetho tigewalisekile, mnaketfu, sisekupheleni! Ngekwelive lonkhe, sisekupheleni! Ngakamoya, sisekupheleni! Yonkhe inchubo isekupheleni kwayo! Intfo lelandzelako kubuya kweNkhosi nekuhlwifwa kweliBandla.

⁸⁴ Nkulunkulu watfumela sonkhe sibonakaliso, simanga, wenta yonkhe intfo Lebekangayenta, etama kudvonsa bantfu, futsi njalonjalo bachubekela phambili ngo bangene. Bukani lelidolobhana lapha. Bukani lelive konkhe lapha, nemashumi langemakhulu nemakhulu ebantfu bePhentekhostali; nangenca yekuma eCinisweni, bakuphi kulentsambama na? Ngoba lomunye wabatjela kutsi bangabambisani nemhlangano. Nine bantfu ndzini, ngemabomu... Nkulunkulu akanihawukele, nguyonantfo kuphela lengingayisho. Uma nine maKhristu ningasenamgogodla kunaloko, ninelitsambo lesifuba senkhukhu. Kunjalo! Lesikudzingako ku “shumayela liVangeli lelinematinyo kulo,” lelitogawula intfo ibe ticucu. Bahamba njengabo bonkhe nje labanye, khona-ke niyamangala kutsi kungani simpongolota ngako. Ngako-ke, niyabona, utfola “kunganakwa.” Ngiyakulindzela, ngifanele.

⁸⁵ Konkhe loku kwachubeka ka-Israyeli. Ekugcineni, ngalelinye lilanga, lota ahlutfukile aphuma ehlane, kuta umfo lomdzala lobukeka anelihwanca, Eliya waseThishbe. Akazange aphume khona kunoma ngutiphi tetinhlangano, uphuma ehlane! Bekangakatihanganisi ngalutfo nato. Bekangumprofethi weNkhosi. Mnaketfu, wanyakatisa lowombuso waJezebeli ngako konkhe lokwakukuwo. Bamtonda. Bekangenalo lubanjiswano, ngitonicinisekisa ngaloko. LiBhayibheli alisho. Impela. Wenta laboJezebeli labanebuso lobupendiwe “bashe baphele,” kungatsi sengiyabona. Wabeka lizembe emphandzeni yesihlahla njengoba kwenta Johane, emazubela awela nomangukuphi lapho bekafisa kuzubela khona, kodvwa wambeka ekhatsi lapho. Wanyakatisa sive, akhombisa kutsi bebasephutseni, futsi atama kubabita babuyeleskuNkulunkulu lophilako weliciniso, futsi babuyelesVi laKhe esikhundleni sekukhontwa kwaJezebeli.

⁸⁶ Bentani na? Ngabe bamemukela na? Bamtonda! Kodvwa Livi lakhe lachubeka ngalokufanako nje, ngoba bekana ISHO KANJE INKHOSI! Nkulunkulu bekasebenta naye, futsi wakhombisa kutsi bekangumprofethi logcotjiwe ngetintfo latisho tifezeka. Nako konkhe loko lakwentako kwafakaza kutsi bekangumprofethi waNkulunkulu. Kodvwa noko bebangaLikhola, ngoba wadzabula tindlu tabo tekudlalela. Wabatjela kutsi bebasephutseni. Ahabi bekangumntfu longenamsebenti nje. Liciniso! Futsi niyacaphela bebangamkhola, kodvwa waLishumayela ngalokufanako nje. Akukho namunye webashumayeli lobekavumelana naye, watsi, “Ngimi kuphela lesengisele, Nkhosi. Babuke, bangeke ngisho... munye, akukho muntfu

lotobambisana.” Kodvwa bekanemsebenti lebekawutfunywe kutsi awente futsi wawenta. BekaneLivi leNkhosi, ISHO KANJE INKHOSI! Futsi wahlasela sive, wahlasela libandla, wahlasela yonkhe intfo leyayikhona, naNkulunkulu bekanaye!

⁸⁷ Siyetsenjiswa, ngetinsuku tekugcina, kutsi uyobuyela kulelive futsi. Ngiyati, Jesu, ngesikhatsi... Matewu 17, ngesikhatsi baMbuta kutsi, “Basholani babbali, ‘Eliyase...’?”

⁸⁸ Bukisisani kutsi Watsini, “Eliyase impela ufanele efike kucala,” sekwendlulile, pre... esikhatsini lesitako. Kodvwa ke Unika Johane njengesibonelo. Johane bekangesuye Malakhi 4. Johane bekangulMalakhi 3, “Bukani, Ngiyatfumela sitfunywa embikwaMi, kulungisa indlela.”

⁸⁹ Malakhi 4, Watsi, “Ngaphambi kwelusuku lolukhulu nalolwesabekako lweNkhosi loluyofika, lapho wonkhe umhlaba uyosha njengemabibi; lungakefiki lolosuku, Ngiyotfumela Eliya.”

⁹⁰ Futsi kwakungesuye Johane, ngoba iNkhosi ayizange iwushise umhlaba ngesikhatsi kufika Johane. Futsi uma nicaphela, futsi esahlukweni sekugcina, evesini lekugcina, Watsi, “Futsi yena...” (bukisisani; *yena* akhuluma) “...uyophendvulela tinhilitiyo tabobabe tiye kubantfwana, netinhilitiyo tebantfwana kuboyise.”

⁹¹ Manje bukisisani! Johane wekucala wefika, Eliya wekucala, wentani na? Wefika futsi waletsu uMlayeto wase uphendvulela tinhilitiyo letindzala letilukhuni temtsetfo ekukholweni kwelibandla lelincane, bantfwana. Kodvwa ngesikhatsi kufika Eliya lolandzelako, esikhatsini sekugcina, utobuyela emuva bese utsatsa ti—tinhilitiyo tabobabe... tinhilitiyo tebantfwana, njalo, futsi atibuyisele ekuKholweni kwabobabe bephentekhostali. Niyawubona umehluko na? Angeke abe ngulomunye walaba lapha lababitwa-*kanjalo* lesinabo namuhla, uyobuyela ngco eTentweni 2 futsi acale kusukela lapho ngco. Uyoshumayela liVangeli lelimsulwa, asho tintfo letifanako nje Phetro latenta ngeluSuku lwePhentekhosti, ngoba loko lakusho ePhentekhosti kucinisekise yonkhe imiBhalo kwayicedza. Akanawujikajika nenhangano, uma Eliya efika. Uyobatondza besifazane njengoba kwenta Eliya, njengoba nje... noma besifazane lababi, njengoba kwenta Johane nje. Uyoba ngumtsandzi welihlane njengoba bebanjalo nje. Angeke ahawukele. Sibuke yena kutsi efike. Utotika! Nkulunkulu watsi uyofika, futsi uyoba lapha!

⁹² Ngiyakholwa, uma nomayini, loMlayeto lesinawo namuhlu utokwendvulela loko kufika lokukhulu kwakhe. Yebo, mnunzane! Sewusendleleni yakhe, sewuvele utelwe. Njengoba Eliya bekanjalo, futsi uphuma ehlane achasha, ndzawanatsite uyotenta atiwe. Uyoshumayela Tento 2. Uyoletsa kuKholwa kwalabobabe laba labadzala bePhentekhosti babuyelete ngco e...kukholwa kwalabantfwana laba bePhentekhosti, babuyelete

ngco ekuKholweni kwabobabe bePhentekhosti. Uyohamba ngco, abuyelete eTentweni 2, Tento 2:38, kwehle kwendlule njalo. Uyoletsa lona sibili, liVangeli lelimsulwa. Akanawutihlanganisa ngalutfo naJezebeli nenchubo yakhe. Uyoba yinceku yaNkulunkulu. Impela uyoba ngiyo! LiBhayibheli latsi uyofika. Uyoprofetha futsi achumise uMlayeto wakhe ebusweni balaboJezebeli laba, impela nje njengoba kwenta Eliya ekucaleni ku-Israyeli. Bayomtondza! Abayubambisana naye. Cha, cha. Utofika! Nkulunkulu wakwetsembisa, futsi utovuka enkhundleni. Uto—utoshumayela eBandleni leliKhetsiwe njengoba Latsi uyokwenta, anyakatisa lowo loKhetsiwe, atsintsitsa kwenyama kusuke kuko, li—live netintfo, akutsintsitsela phansi, alibilisela phansi, ahlanganisa liBandla ndzawonye, bantfu.

⁹³ Ngiyati wena utsi, “Lelo lihlelo lami.” Mnaketfu, uneliphutsa! Johane wefika njengenchubo yemunfu munye kutokwetfula uMunfu Munye: Jesu Khristu. Na-Eliya angeke abeyinchubo, kutawuba ngumunfu, Jesu washo njalo. Kutawuba ngumunfu munye logcotjwe ngaMoya loNgcwele. Futsi angeke etfule noma ngubaphi bonkulunkulu labatsatfu noma labane, utokwetfula Munye: iNkhosi Jesu Khristu, ngoba uMlayeto wakhe utonyakatisa bantfwana bePhentekhosti babuyelete ekuKholweni kwabobabe futsi.

⁹⁴ Khumbulani, mnaketfu, uma ngisho letintfo kutsi ngenyanyise kuphi, ngidzinga kuba se altari. Ngiyanitjela, “ISHO KANJE INKHOSI!” Uma Nkulunkulu angacinisekisanga kutsi nginitjеле liCiniso, esiveni jikelele, umhlaba jikelele, khona-ke ngitjeleni kutsi ngenyanyise kuphi. Nginitjela liCiniso! Buyelani kuNkulunkulu, ngekushesha! Phumanı kuletinchubo leti, ngoba liBhayibheli lasho eNCwadzini yeSambulo, kutsi kubusa etindzabeni letingcwele kweRoma leyiKhatolika kwakuyi “ngwadlakati,” futsi yayingu “nina wetingwababane.” Yini leyo na? Mabandla, tinchubo.

⁹⁵ Futsi kukuphi lapho libandla leMethodisti, kukuphi lapho libandla lemaLuthela, lavela khona na? Kukuphi lapho iMethodisti, iBaptisti, tavelaphi tonkhe letinhlangano na? Nkulunkulu akazange sekahlele libandla. Libandla laseKhatolika batsi bacala emuva lapho, “Jesu wahlela libandla.” Ngifuna—ngifuna likhasi emlandvweni, noma likhasi eBhayibhelini. Yayingakaze ibekhona inhlanguano iminyaka lengemakhulu lamatsatfu nesitfupha emvakwekuwa kwemphostoli wekugcina, base-ke babumba uMkhandlu waseNayisiya futsi benta inhlanguano. Futsi ngesikhatsi Luther aphuma...bekayindvodza yaNkulunkulu lenkhulu, kodvwa kwatsi nje angahamba, lelocembu lelincane lebantfu lawela lase libumba lenye inhlanguano. Wase-ke Moya loyiNgcwele uyaphuma ubasetikwaJohn Wesley, akazange ahlele lutfo, kodvwa emvakwekuba sekahambile base-ke bayahlela. Wase-

ke Moya loNgcwele ungena nemaPhentekhostali, futsi baphuma kuMethodisti. Futsi kwentekani na? Base-ke *bayahlela*.

⁹⁶ Kodvwa kuyoba yinchubo yemunfu munye lofika ngemandla nelugcobo lwa-Eliya, kugcwalisa siprofetho. Haleluya! Uyolinyakatisa. Futsi, khumbulan, waprofetha kubo, futsi waprofetha, futsi wabatjela tonkhe tintfo, naNkulunkulu wasebenta naye. Kodvwa uMlayeto wakhe wasekugcineni wahlaselwa eWhite House. Uh-huh. Ngesikhatsi Johane efika, uMlayeto wakhe wasekugcineni wahlaselwa eWhite House yangalolosuku. UMLayeto wa-Eliya wasekugcineni, ngesikhatsi ahamba ehla ngalowomgwaco ngaloko kusa emvakwekuba seBukhoneni baNkulunkulu ngephandle lapho, wahamba ehla ngalowomgwaco neboya lobudzala konkhe kuye, inhloko yakhe lenemphandla icwebetela, emadzevu aphephetela, lawo lamancane, emehlo lamadzala lalikhatimula inkhatimulo yaNkulunkulu. Leyondvuku esandleni sakhe, netinyawo takhe tihamba ticondze ngco nje. Wentani na? Ahamba ehla ngco avela eSamariya ayongena ebukhoneni beWhite House, futsi atsi, “ISHO KANJE INKHOSI!” Angesabi lutfo. Emabandla bekamalile, bantfu bebamalile, ngako manje uniketa kuhtasela kwakhe losekukwekugcina, etikwe White House.

⁹⁷ Kwase kwentekani-ke emvakwaloko na? Lalelani! Emvakwaloko kuhtasela, liphimbo lakhe lase liyathula, akukhomuntfu lowaphindze wamuva. Nkulunkulu wambita wesu enkhundleni, watsi, “Eliya, sekukadze uwente watiwa uMlayeto wakho kuwo wonkhe Israyeli, bayaWati. Manje yenyukela lapha ehlane, suka kubo, tehlukanise ngoba kukhona leNgitokwenta. Ngitobakhombisa kutsi kunjani kwala uMlayeto waMi.” Kwangenani na? Imphi, indlala, kubulawa yndlala.

⁹⁸ USHO KANJE MOYA LOYINGCWELE, “Bukisisani kutsi yini letako! Bukisisani kutsi yini letolandzela! Kwakukhona indlala, kuyobakhona indlala!” O, mhlawumbe kungabi yesinkhwa, kodvwa yekuva Livi laNkulunkulu neliCiniso laKhe. Onkhe emabandla ayoba nekuhlalisana futsi achubekele embili ngco ayongena kuko ngalokufanako nje, njengoba nje bese bavele bagwinyekile ngako.

⁹⁹ Wentani Eliya na? Watfola siyalu lesifihlakele, etulu le entsaben i lapho atfola khona Emanti ekuPhila, tambulo tebuNkulunkulu letivela kuNkulunkulu lapho asehleti etulu lapho ngephansi kwemandla aNkulunkulu. Tambulo tisiyalu lesincane lesifihlakele, ngesikhatsi bonkhe labanye bekabulawa yndlala. NaNkulunkulu uyatibusissa tinceku taKhe (lawomagwababa), amletsela lokutsite kutsi adle asehlukanisiwe kubantfu waba yedywa. Futsi bebasentasi lapho babulawa yndlala bafuna imvuselelo nako konkhe kuchubeka. [Akucoshwanga etheyiphini—Umhl.] “Ungabe usativa timvuselelo takhe e... Uphi lowo lomdzala longakabhadli enhloko lohamba ajikeleta achumisa tinhlangano tetfu na?

Ukuphi manje na?" Bebangati. Watindvonsa yena lucobo waba naNkulunkulu, ngephandle endzaweni lehlukaniselwe yena yedvwa lapho angalivanga liphimbo lakhe. Base-ke bacala kubona.

¹⁰⁰ Uma Nkulunkulu atfumela uMlayeto futsi atjele bantfu, futsi bangawemukeli, khona-ke Uyayihocisa inceku yaKhe bese utfumela tinhlupho taKhe: indlala, kufa (kukhuluma ngakamoya, nangekwenyama futsi). Bukisia kucindzeteleka, mnaketfu. Nicabanga kutsi kukhona lenikubonile, lindzani nje emvakwesikhashana. Anikaboni lutfo. Nicabanga kutsi nifela imvuselelo lenhle yakamoya, lindzani kute kube semvakwesikhashanyana. Lindzani nje, kadze bese nikhalela kuva Livi laNkulunkulu. LiBhayibheli lasho njalo! "Kuyobakhona indlala ngetinsuku tekugcina," kwasho umprofethi, "futsi kungabi yesinkhwa nemanti kuphela, kodvwa yekuva Livi laNkulunkulu leliciniso." Kodvwa lelophimbo liyothula, ehlane ndzawanatsite, lifihlwé.

¹⁰¹ Wamisela emagwababa, tinceku taKhe. Wabusisa letotinyoni, tinceku taKhe, letagcina liphimbo la-la-Eliya liphila ngesikhatsi sekwehlukaniswa kwakhe—kwakhe nelibandla abe yedvwa. Emagwababa amletsela inyama nesinkhwa ekuseni, nenyama nesinkhwa kusihlwa, futsi wanatsa emtfonjeni lomncane lapho bonkhe labanye entasi lapho bebahleli bangenakudla kwakamoya nemanti.

¹⁰² Kwase kutsi ngalelinye lilanga, emvakwekuba sono sase sidlangile, naNkulunkulu bekasaletse bantfu baKhe emadvolweni abo...Jezebeli watsatsa yonkhe intfo, wakushanyela konkhe, futsi utokwenta futsi! Lowo ngu LISHO KANJE LIBHAYIBHELI LANKULUNKULU LELINGCWELE, "Utokwenta futsi lowesifazane." Usesihlalweni sebukhosí ngco manje, emvakwenhloko ngeligama; akushwila nomangayiphi indlela lapho afuna kuya ngakhona, akukho muntfu lotomumisa. Impela, akukho muntfu lotomumisa manje, ngoba loko lebebangeke bakutfole etiyingilitini tetenkholo bayakujuba—bayakujuba konkhe kungene kutembusave, futsi lapho bakwentile. Uh-huh, nguloko impela labakwentile. Lokukutsi, kwetembusave kutoba kudvuba impela nje kubuye leluphawini lwesilo, impela njengoba nje ngime lapha, niyabona, njengoba liBhayibheli lasho.

¹⁰³ Ngiyati sishiywa sikhatsi, ngitosheshisa. Ngifanele ngifake lelivi lekugcina, uma iNkhosi itongivumela.

¹⁰⁴ Bukisisani! Eliya wahlala etulu lapho waze Nkulunkulu wamnyakatisa. Bekangenato timvuselelo. Akashumayelanga ngekuphikisana nalutfo. Wavele nje wema etulu lapho anaNkulunkulu kuphela, ngephandle ehlane, ngoba

bekayindvodza yasehlane. Wakhuliswa ehlane. Kanjalo naJohane wakhuliswa ehlane.

¹⁰⁵ Waphumela ehlane ayedvwa naNkulunkulu, wasuswa ebandleni emvakwekuba anikete uMlayeto wakhe. Nelibandla laWala, laWala. Futsi ekugcineni tinhlangano tatingenti lutfo, ngako nje wadzingeka kutsi agudluke aphume. Nkulunkulu wambita kutsi esuke enkhundleni, wamtsatsa wamkhiphela ehlane, watsi, "Phuma ute lapha, ngeke basalalela. Wota, khonake Ngitophonsa kwehlulela kwaMi etikwaboo." O, yebo, utoba lapha ngalolunye lwaletinsuku leti, bukisisani.

¹⁰⁶ Khona-ke, emvakwtetinsuku tesiprofetho sakhe, kwentekani na? Libandla lahlupheka, luvalo lolukhulu lwaJezebeli, watitsatsela wona aba akhe, wawagwinya onkhe. Watitsatsela wona aba akhe, futsi wakha tinsimi tetihlahla nako konkhe lokunye.

¹⁰⁷ Kodvwa, ngalelinye lilanga, Nkulunkulu wambita aphume futsi! Nangu aphuma. Lalelisani manje, futsi ningangitfukutseleli. Ngisho, "ISHO KANJE INKHOSI!" Ngesikhatsi aphuma, wentani Nkulunkulu na? Wamtfumela kuwesifazane longumfelokati. Wake waba ne-nemandla endvodza etikwenhloko yakhe, kodvwa kwabita kufa kumkhulula kute akhone kukholwa Livi lemprefethi. Niyakucaphela loko na? Bekenemyeni lobekamcondzisa le na le, kulesinye setikolwa entasi lapho. Kodvwa ngalesikhatsi salesomiso lesi lesikhulu, bekagwinyiwe, kufa kwakumtsetse. Bekangasahhukekanga kunoma nguyiphi inhlangano, ngako bekasalungele manje kuva Livi leNkhosi. Wesifazane, lokusho liBandla; umfelokati, kutsi umyeni wakhe (inhlangano) bekasofile, futsi bekacabanga kuphela nje kutsi sewutiphilela ngesingaye. Futsi Nkulunkulu watsi, "Yehlela kuye manje, utokuva, Ngimyalile."

¹⁰⁸ O, siyacabanga ngaletinye tikhatsi, nine cembu lelincane lapho lenetsembeke kakhulu futsi nenta konkhe leningakwenta kutsi nibe nemhlangano, kutama kukhombisa kubantfu kutsi inhlitiyo yenu ikahe futsi nifuna kutsi babekahle, nicabanga kutsi ninesikhatsi lesilukhuni. Kodvwa, khumbulani, Nkulunkulu uneliso laKhe lisetikwenu! NiyaMtsandza, ngiyati niyaMtsandza, beningeke nihlale lapha, beningeke netsamele noma nguyiphi intfo lenjalo. Nkulunkulu uneliso laKhe lisetikwenu. Yebo!

¹⁰⁹ Futsi ngesikhatsi akwenta, umyeni wakhe bekasofile, inhlangano yakhe yafa, ngako manje sewulungele kuva Livi lemprefethi. Ngako ngesikhatsi kufika umprofethi esangweni futsi wamcela e-emanti lamancane, wahamba kuyowalandza. Wase utsi ke, "Ngiphe licebelengwane lelincane lekudla."

¹¹⁰ Wase uyajika utsi, "Njengoba iNkhosi iphila, anginalutfo ngaphandle nje kwalokwenele."

¹¹¹ Manje, kwakubukeka kungatsi bekatfunyelwe kutsatsa loko lokuncane lebekanako, kodvwa kwakuphambene naloko. Ngesikhatsi avuma kunikela ngaloko lebekanako ekusekele ni kweLivi, Nkulunkulu wamondla. Futsi uma uvuma kunikela uMoya lonako, loko uMoya Nkulunkulu lakunike kona kwesekela kweLivi, khona-ke Nkulunkulu utokugcina uphilile. Haleluya! O, ludvumo kuNkulunkulu! Niyakubona yini, bandla? Ningacabangi kutsi ngisangene, angikasangani. Kodvwa loko lonako, lokuncane lokwentako kholwa nguNkulunkulu, kukholwa lonako, kubeke eVini, hhayi enhlanganweni! Kufake eVini laNkulunkulu, Utokugcina uphila.

¹¹² Bekasalungele ke, ngoba bekangeke akwente ngaphambili, ngoba bebangeke bamvumele. Kodvwa manje sewulungele. Utokwemukela yini loko lowesifazane? Nkulunkulu watfumela umprofethi endleleni yakhe. Utolemukela yini Livi lakhe na? Utomemukela yini lomprofethi? Yebo, wakwenta. Futsi wamtjela lowesifazane, watsi, “Manje, loko kuphila lokuncane lonako, kubeke ekhatsi lapha, kuletse kimi kucala.” Futsi kwentekani na? Ngesikhatsi wonkhe umhlaba wawubulawa kuhlupheka futsi ubulawa kulamba, lowesifazane nebantfwana bakhe nebendlu yakhe bonkhe badla kudla lokuhle katsatfu ngelilanga, sambulo sebuNkulunkulu eVini. Ngiyetsema niyakubona, bangani.

¹¹³ Kwachubekani na? Wahlala lapho kwate kwaphela indlala, ahlala nalona wesifazane (leliBandla) lelamemukela futsi lakholwa Livi lakhe. Futsi wamgcina aphila lowesifazane (wagcina liBandla liphila) ngeLivi leNkhosi, ngoba watsi “ISHO KANJE INKHOSI.”

¹¹⁴ Manje, asinaso sikhatsi sekukhipha yonkhe lendzaba, niyati, kutsi beka fanele efike kanjani kulemancamu naBhali. Utokwenta, ngalolunye lwaletinsuku leti, ungakhatsateki wena. Ngesikhatsi eta anyanyile aphuma kulelohlane, bukisia kutsi kwentekani.

¹¹⁵ Kwentekani na? Khona-ke ngesikhatsi lolungile, Eliya lomdzala, umprofethi, inceku yaNkulunkulu yeliciniso, seyifika ekugcineni kwemgwaco wayo, Nkulunkulu wamtjela, ngalelinye lilanga, watsi, “Eliya, sewushumayele sikhatsi lesidze ngalokwenele manje. Ulwe naJezebeli nawo wonkhe pende wakhe nayo yonkhe intfo sewuze wenela ngako.” Watsi, “Wota entasi ejordani!” Futsi nangu ahamba, wehlela ejordani. Lapho lomfudlana lomdzala loneludzaka uta wehla ngaleya, ubandza, emanti lanelichwa, njengoba wonkhe umuntfu atobhekana nayo: iJordani, kufa.

¹¹⁶ Kodvwa ngesikhatsi lenceku yaNkulunkulu lenkhulu ihamba yehlela ejordani, nendvodzana yakhe ihamba eceleni kwakhe, indvodzana yeliVangeli, . . . O, yebo, bekayindvodzana yakhe, “Babe wami, babe wami, tincola ta-Israyeli, umgibeli-

hhashi lapho.” Ngesikhatsi yena nendvodzana yakhe bahamba babambene ngemkhono, behlela eJordani, bekabuke babe wakhe esuka ngaloko kusa.

¹¹⁷ Ngesikhatsi ehlela eJordani, weluleka wase ukhumula leyongubo yemandla emahlombe akhe, watsi, “Kufa, ayikho intfo longayenta kimi.” Wase ushaya iJordani, “Deda, ngiyawela manje ekuseni.” Kwentekani na? Lahlehlala lase loma njengemphushana. Bekentani lomprofethi lomdzala na? Bekabuka ngesheya kweJordani, bekati kutsi kwakukhona incola leyayimlindzele laphaya nemahhashi. Bekaya ekhaya, umsebenti wakhe wase uphelile. Indvodzana yakhe eVangelini yase itsatsa indzawo yakhe.

¹¹⁸ Ngangita ekhaya ngalelinye lilanga ngivela ngephandle eNshonala. Luku kuyefika engcondvweni yami. Ngavula umsakato (Ngangidzingeka ngishayele tinsuku letintsatfu, emakhilomitha latinkhulungwane letintsatfu nemakhulu lasiphohlongo nemashumi lasitfupha, ngingedvwa). Ngavula umsakato ngase ngi...ngiva takamoya tipuma kuDel Rio, eTexas. Kwakukhona indvodza leyenta inkhulomo mayelana nalelidzala, likhalatsi, indvodza lelinigro. Yase itokufa futsi yayidzingeka ite yehlele emfuleni, yatsi, “Lawo mahliphasi egolide lengitowagcoka, kutsi ngihambe etitaladini tegolide.” Lelinigro lelidzala lalishumayele yonkhe imphilo yalo nentfo kuhela lelaliyicabanga lokwakuyindvudvuto, lelalinayo, kwakusiginci salo lesidzala ibhanjo lebeyilenga elubondzeni. Lalihlala ngephandle emabheleni akotini bese lidlala emaculo, litiphumute enkonzwensi yalo, nesiginci lesidzala ibhanjo. Nguleyondlela lelalinayo, kutsi litiphumute. Latsi lihhashi lelidzala lelinemsila lophunguli lelalivame kuligibela lalitoba sentasi lapho nencola. Ngangicabanga ngawo. Latsi, “Lawomahliphasi egolide lengitowagcoka, kutsi ngihambe etitaladini tegolide.”

¹¹⁹ Futsi uma selicedzile kuhlabela, ngawuvala umsakato. Futsi ngangihamba lapho, ngibambe lisondvo. “O, kunjalo. Ngifanele ngiwukele lapho nami. Yini lengaze inginike indvudvuto na? Ngiyitfolaphi indvudvuto yami ehlane na?” Nginalesincane, lesidzala sibhamu lesibitwa nge... Ngitingela ngaso ekwindla lemnyaka. Siyi .270, imodeli 721, iRemington. Indvodza, umnaketfu, ungipha sona, eCalifornia, eminyakeni leyendlula. Sengitingele ngaso iminyaka neminyaka. Kanjani...besiyindvudvuto kanjani nje, ngoba ngi—ngiyati kutsi siyinganono ledubula kahle, futsi siyindvudvuto yami ehlane.

¹²⁰ Ngase-ke ngiyacabanga ngembono wami. Ngesikhatsi ngifikasi laphaya futsi ngabona bonkhe bantfu bami, ngeva intfo letsite lekukhala kwelihhashi, futsi naku kuta Prince wami lomncane (lihhashi lami lelincane leligitjelwako) lase libeka inhloko yalo etikwelihlombe lami. Ngacabanga,

"Yebo, ngalokunye kwalokusa loku ngiyeta ngehlela khona nami, eJordani." Nalesidzala i .270 lengangivame kusi... silenga elubondzeni. Angikaze ngisibeke phansi kusukela le ekwindla lelendlulile. "Lelohhashi lelincane leligitjelwako lengangivamise kuligibela, Nkulunkulu bekayolihhuka encole ni yami, ngaloko kusa ngesikhatsi ngita ngehlela emfuleni." Liyobe lime nje ngesheya kwemfula lapho. Nkulunkulu uyolitfumela, ngilibonile ngalolobunye busuku. Liyobe lihhukwe encole ni yami, ngalokunye kwalokusa loku. Ngiyobe singasingasekho, ngicanca ngikhuphuka ngidzabula emafu.

Asikhulekeni.

¹²¹ O, kulawomandla aNkulunkulu lengitowajabulela lapho ngisahamba letotitaladi tegolide! Ya, sibhamu lesidzala manje lesilenga elubondzeni, ngeke sisaba namsebenti ngalesosikhatsi. Angati, uma incola yami ita, uma lihhashi lami lelincane leligitjelwako lengilibone embonweni liyobe lihhukwe encole ni yami, ngaloko kusa, ngime entasi emfuleni. Ngiyetsema linjalo. Ngifuna kuhlwitwa. Ngifuna liBandla likhuphuke kanjalo nalo, ngnifuna nonkhe.

¹²² Ungatsandza kwati kutsi utokuta wehlele nini eJordani na? Ungatishiya letinchubo leti tekungamesabi Nkulunkulu talamhlabeni bese wemukela Jesu Khristu njengeMsindzisi wakho na? Uma ungesuye umKhristu, ungatiphakamisa tandla takho bese utsi, "Ngikhulekele, Mnaketfu Branham. Uma ngifikasi eJordani,..."? Nkulunkulu akubusise. Nkulunkulu akubusise. "Uma sengita ngehlela eJordani, ngifuna kutsatsa emandla aMoya loyiNgcwele etikwami bese ngishaya emanti lamanengi labandzako, bese ngiyahamba ngiyewela."

¹²³ Ungahlala kanjani phansi kwekuhulumu lokunje, lugcobo IwaMoya loyiNgcwele, futsi wati kutsi Moya loyiNgcwele ungitjela simo sakho, bese uyehluleka kuphakamisa sandla sakho na? Kukhombisa kutsi sekusikhatsi seluhambo lwasehlane! Angabakhona yini munye ngaphambi kwekutsi sikhuleke, lomunye na? Kukhona lababili labaphakamise tandla tabo; batsatfu, Nkulunkulu akubusise, ndvodzana.

¹²⁴ Babe wetfu loseZulwini! Labatsatfu;-loko kutoba kuhle kakhulu, Nkhosi, uma ba—babalapho nje ngalolosuku. Ngikhulekela kutsi bayoba lapho, Nkhosi. Baphakamise tandla tabo ngoba bakholisekile kutsi letinchubo leti telive tiyafa, nemaphimbo eLivi laNkulunkulu masinyane kutoba yintfo lelukhuni kuyitfola, Nkulunkulu utolisusa ebandleni. Kukhala, kubita kweMyeni ngekushesha kutosuka nenchubo yaJezebeli itoligcibedzela. Kodvwa bafuna kuba ne... baphile ngalesosiyalu lesifihlakele njengoba Eliya bekatalondvolotwa ngesikhatsi sendlala. Nkulunkulu, baphe Moya loNgcwele manje, agcwali se tinhltiyo tabo ngenjabulo nekuthula, bese ufaka imicondvo yabo etikweLivi laNkulunkulu kute baphile

manje nasemvakwalapha, ingunaphakadze. Babusise, Babe. BangebaKho, ngaJesu Khristu iNkhosi yetfu.

Netinhloko tetfu tikhotsome:

¹²⁵ Labo labaphakamise tandla tabo futsi lofuna kwemukela Khristu, ungasukuma nje ume ngetinyawo takho, umzuzwana nje, ngisanikhulekela umuntfu ngamunye na? Sukumani nje nime ngetinyawo tenu.

¹²⁶ O Nkulunkulu, ngabe ngehlulekile na? Ngisho nalabatsatfu labaphakamise tandla tabo, ngaphandle kwekuhlabeka kutsi basukume beme ngetinyawo tabo kutsi bavume yona kanye nje lentfo labayentile. Nkhosi Jesu, ngikunikela konkhe etandleni taKho. Ngishumayele Livi laKho, futsi kute ngisho linye lengilincemphetisile. Manje ngi—ngiyishiyela kubo indlu, Babe. Yenta noma yini lefanele ngako kokubili libandla nenceku yaKho, konkhe kusetandleni taKho.

¹²⁷ Babe, ngikhulekela kutsi Utosindzisa labalahlekile, ugcwalise labanhltiyo tilambile ngetintfo letinhle, phani kuPhila lokuPhakadze kulabo labomile, vusa tinceku taKho kutsi timemetele uMlayeto, phani kophiliswa kwalabagulako nalabahlaselekile, tfola inkhatimulo kuWe lucobo, ngoba ngitinikela mine lucobo kanye neLivi laKho. Nasesandleni sami, nasenhlitiyweni yami, nasengcondvweni yami, bhala imiTsetfo yaKho, ngaJesu Khristu iNkhosi yetfu. Amen.

Uma ngifika emfuleni ekupheleni kwelusuku,

Angifuni kuhlabela lelo.

Futsi kubukeka kwangatsi bangani bami
sebashone bonkhe;
Uyobakhona uMuntfu lolindzile
loyongikhombisa indlela,
Angiyudzingeka ngiwele ijordan ni gingedvwa.

¹²⁸ Uwakhiphile emakhadi ekukhulekelwa, Bill na? Ngitivelia ngiyesindvwa. Ngumaphi lowakhiphile namuhla? B? Ukhiphina nabo-A futsi, awukabakhipi? Kulungile, bita bo-B kucala, lekucala kuya . . . Likhadi lekukhulekelwa B, inombolo yekucala. Sitokhulekela kugula kwenu. B, lekucala, ngubani lonalo na? Likhadi lekukhulekelwa B, inombolo yekucala, lomunye emuva le ngemuva. Yenyukela lapha, dzadze. B, inombolo yesibili, phakamisa sandla sakho. Loya dzadze? Inombolo yesitsatfu. B, inombolo yesitsatfu, ngicela uphakamise sandla sakho, kute ngibone kutsi kukuphi. Yesitsatfu? Inombolo yesine, B, inombolo yesine. B, inombolo yesihlanu. Bewungasiphakamisa sandla sakho na? B, inombolo yesihlanu. Leyandvodza? Kulungile, yesitfupha, yesikhombisa, yesiphohlongo, yemfica, yelishumi, yelishumi nakunye, yelishumi nakubili, yelishumi nakutsatfu, yelishumi nakune, yelishumi nesihlanu. Yebo-ke, lapha, bonkhe bo B abasukume, empeleni. Nje . . .

Loko...[Akucoshwanga etheyiphini—Umhl.]...taya eveni lonkhe, tonkhe titfunywa tenkholo ensimini, noma ngukuphi lapho tingakhona khona.

¹²⁹ Onkhe emakhadi ekukhulekelwa B suku mani futsi nitsatse indzawo yenu ngekwetinombolo tenu.

Manje, bekungumaphi lalandzelako? A? Ngubani lonelikhadi lekukhulekelwa A, wekucala? A, wekucala, likuphi? Impela lisekhatsi lapha. A, wekucala? Sekutinsuku letimbili akhishiwe, noma letintsatfu manje, ngako bangahle bangabikhona lapha. Wonkhe lonelikhadi lekukhulekelwa A, manje shayani lilayini ngalapha. Hambani ngco ngale neyame lubondza, ngenhlonipho.

¹³⁰ Ngifuna kukhuluma nani nine lenite emakhadi ekukhulekelwa, umzuzu nje ngaphambi kwekutsi kucale lilayini.

¹³¹ Manje, nelikhadi lakho lekukhulekelwa, libambe ngetandla takho kute labafana bakhone kwemukela likhadi lakho lekukhulekelwa. Bewukadze ulindzile, ufika ngaphambi kwesikhatsi kusihlwka kutsi utsatse likhadi lakho lekukhulekelwa, futsi unelilungelo lekuta emgceni. Nginetsembisile, kunikhulekela. Manje ngitowetama kugcina setsembiso sami, Nkulunkulu angisita.

¹³² Ngumfanyana wakho loyo? Indvodza lencane lebukekako sibili. Ngicela ningitsetsele. Lona wesifazane lapha ungumfanekiso lomuhle wemMerica wangempela. Umfana wakhe lomncane, i-ovaloli lencane nejakheti lenemishi. Wesifazane lomncane lonetinwele letindze, ugcoka kahle. Nkulunkulu akambusise nelikhaya lakhe, nemyen'i wakhe, labatsandzekako bakhe. Leyo yi-U.S.A. yelucobo mbamba, lene "buKhristu" bubbala etikwako. Kwangatsi emave akitsi angaba njalo sikhatsi lesidze! Ngitsetsele, dzadze lomncane, ngekusho loko, kodvwa nje ngi...kute bantfu babone kutsi yini lengicabanga kutsi ibukeka ifana nemKhristu; akukho kupenda tingalo, kutsi yini lentfo leyo, ngudzadze nje.

¹³³ Nkulunkulu akubisise, Mnaketfu Sullivan.

¹³⁴ INyanga eNkhulu, uma utsandza.

INyanga eNkhulu manje isedvute,
Jesu Loneluvelo.

¹³⁵ Niyakholelwa kuYe na? Niyakholwa yini kutsi UyiNyanga leNkhulu na? Manje hloniphani nje umzuzwana nje. Sisenesikhatsi lesincane kwamanje, ngiwujubile lomlayeto waba mfishane nje. Ngijetsembe niwutfolile, noko, kutsi bewuchaza kutsini. Kholwa nje ngenhlitiyo yakho yonkhe. Uma bonkhe sebashaye lilayini, lomunye emuva lapho kutsi ashayise bantfu lilayini. Kulungile? Utsini? Manje wonkhe lowo lonemakhadi ekukhulekelwa umile.

¹³⁶ Niyakholwa khona lapho, nani, nine leningenamakhadi ekukhulekelwa na? Uma nitoba nekukholwa, Nkulunkulu utokubita. Manje, onkhe emakhadi ekukhulekelwa elayinini.

¹³⁷ Leyantfombatanyana lehleti emuva lapho, lenemlente lokabi, ngenhla lapha kule... Uyakholwa kutsi Nkulunkulu utowuphilisa na? Uma ukholwa, bani nekukholwa nje naNkulunkulu utokupha kona.

¹³⁸ Ucabanga kutsi lobabe wakho logulako utophila na? Uyakholwa, ungaba nako.

¹³⁹ Utsini ngawe khona lapho, ukhulekela umshana wakho loguliswa yimizwa na? Ucabanga kutsi Nkulunkulu utomphilisa na? Dzadze, lohleti khona lapho, uma ukukholwa, ungaba nako.

¹⁴⁰ Nonkhe nitokholwa na?

¹⁴¹ Manje ngifuna... Bangakhi bebazalwane bami labalapha, bashumayeli beliVangeli, bashumayeli beFull-Gospel noma bayini, lokholelwa ekuphiliseni kwaNkulunkulu na? Phakamisani tandla tenu. Ngitsandza kutsi nite lapha ningisite kutsi sikhulekele labantfu, kute bantfu babone kutsi akusimi nje lengikhulekela bantfu, ningakwenta nani. Wotani lapha bese nima langembili kanye nami. Ningakwenta, bazalwane, nine bashumayeli na? Wotani khona lapha bese nima eceleni kwami khona langembili. Kuhle loko. Ngiyanibonga, bazalwane. Ngiyanibonga. Wotani embili ngco, bazalwane, wotani.

¹⁴² Utsini ke? [Lomunye utsi, "Singawenta emalayini lamabili lapha na?"—Umhl.] Yebo, ningawenta. Yentani emalayini lamabili khona lapha, kutoba kahle. Kuhle loko. Manje jikisa loku ngalenyi indlela, mnaketfu. Jikani nibheke le, ngitoletsa bantfu bendlule khona lapha. Manje labanye benu wotani ngakuloluhlangotsi lwami, ekhatsi khona lapha, uma nitsandza, nime nitungelete ngalapha. Nako ke.

¹⁴³ Manje, etetsamelini, niyawabona lawa madvodza lanemoya lomuhle lapha na? Angemadvodza latokuma khona etulu lapha, futsi amele leliVangeli lelifanako lengilishumayelako. Niyabona na? Eta lapha ngoba ayakholelwa kuLo. Manje benifanele nitichenye ngemfundisi wenu lototikhombisa langembili lapha, lokumatima, kushumayela lokunemandla. Lawa ngemadvodza lanesambulo, latiko kutsi... hhayi mine ngimelene nemadvodza, ngaletinye tikhatsi sitfola kuhhukeka etinchubeni lesenta... Letotinchubo nguloko lesimelene nako; hhayi lendvodza, inceku yaNkulunkulu.

¹⁴⁴ Manje, kube besinekubona lokufihlakele kwavo wonkhe umuntfu lapha, sikhatsi lesidze kangakanani lenicabanga kutsi bengitoba naso lapha na? Bengitoculeka uma sengifike cishe... emuva cishe kwewesitfupha, wesihlanu noma wesitfupha, welishumi; ngetudlwana, mhlawumbe ihhafu, ikota yalelilayini, bengitobe ngiphilile, lalabanye babo bebangeke bakhulekelwe. Ngeke sakwenta loko. Futsi njengoba ku... kodvwa anidzingeki

kutsi nibe naloko. Uyati kutsi yini inkhatsato yakho. Uyati kutsi wenteni, manje vuma tono takho. Uma noma ngumuphi wenu khona lapho analelilodvwa licashata lekungabata enhlitiywani yakho, kutsatse ukukhipe khona manje bese utjela Nkulunkulu kutsi akutsetsele. Uma ungakalungisi naNkulunkulu, tjela Nkulunkulu akutsetsele. Uma ungakwenti, futsi ungakalungisi naNkulunkulu, akunawukusita nakancane kumphumela lapha. Ucitsa sikhatsi sakho nje. Loko kulinisio. Manje, ngabe kunjalo, bazalwane? [Bazalwane batsi, "Amen"—Umhl.] Kunjalo.

¹⁴⁵ Bukan lapha. Naku kume uMnaketfu Kidd lapha. Ngacishe ngadzabula emathayi emotweni yami kute ngifike kuye, cishe umnyaka noma lembili leyendlulile, ku... Bekabulawa ngumdlavuza, asatofa ngalelolanga. Umkakhe wangitjela, watsi, "Phutfuma!" Watsi, "Uyafa manje." Uma ngifika lapho, iNkhosi yamphilisa. Futsi nangu usemile. Ngicabanga kutsi sewukhuluphele ngesisindvo *lesingaka* nayoyonkhe intfo. Mnkantjubovu lomdzala, emuva, niyati. Kwakunguloloohlbo lwendvodza lengangikhulumu ngalo, eminyakeni leyendlulile, lowashumayela; futsi walala ngco kuleloLivi, nebantu bamhleka. Futsi yena nemkakhe bahamba emizileni yesitimela nako konkhe lokunye, nasetulu le etintsabeni, netimayini temalahle, futsi baphume bagijime, futsi baphonswe ejele, nakokonkhe lokunye. Nguleyondvodza lelweli kuzuza umklomelo, nguloloohlbo.

¹⁴⁶ Manje, bazalwane, ngitsi kini, mhlawumbe beningeke naba nemoya wekubona lokufihlakele. Loko akudzingeki kube njalo, niyabona, loko-loko akunasidzingo. Intfo yekucala, uyindvodza yeLivi. Uncono khashane, bashumayeli labangetulu kwaloko lengingiko, ngoba angi—angisuye umshumayeli kangako. Kodvwa ngi... kodvwa ni—nigcotjiwe, noma nguyiphi indvodza lebitelwe kushumayela liVangeli ibitelwe kophilisa labagulako; timiso letinkhulu tikutsi: "Hambani niye emhlabeni wonkhe futsi nishumayele liVangeli kuko konkhe lokudaliwe. Loyo lokholwako futsi abhabhatiswe ujosindziswa. Letibonakaliso leti tiyobalandzela labakholwako. Uma babeka tandla tabo etikwalabagulako," kanjalonjalo, "bayosindza." Uma ubitelwe kuba ngumshumayeli, ubitelwe kukhulekela labagulako.

¹⁴⁷ Nesizatfu sekutsi ngente loku kutsi kute letetsameli leti... kute tibone kutsi atidzingi kutsi tilindzele umuntfu lotsite lokhetsekile, Oral Roberts, Tommy Hicks, Tommy Osborn, mine lucobo, umuntfu lota ngenkonzo yekuphilisa. Ngifuna bakubone kutsi ningemadvodza aNkulunkulu. Niyabona na? Uyindvodza... Unalo impela nje lilungelo kutsi ubeke tandla etikwanoma nguyiphi yawo nje—njengami noma ngumuphi lomunye umuntfu. Empeleni, bazalwane, nonkhe niyati, njenge—njengebashumayeli, kukholwa kwabo lucobo kuNkulunkulu

lolokwenta umsebenti. Ngabe kunjalo na? Sibapha umkhuleko nje.

¹⁴⁸ Manje wena utsi, “Mnaketfu Branham, ngabe nguMoya waMoya loyiNgcwele lapho lokanye nawe na?” Impela. Yebo, mnunzane!

¹⁴⁹ Manje kini etetsam-... elayinini lapho, uma nikholwa ngenhlitiyo yenu yonkhe kutsi Nkulunkulu utoniphilisa, phakamisa sandla sakho, utsi, “Ngitokwemukela.”

¹⁵⁰ Manje, wota lapha, vumelani lo—vumelani lodzadze ete lapha. Angikwati, angikaze ngikubone. Uma Moya loyiNgcwele atongitjela, kute bazalwane bami lapha, ebukhoneni lapha lobunjena, ngako bonkhe beme lapho bangitungeletile. Futsi akusiko loko kuphela, bazalwane bami balapha, neNkhosi yami ilapha. YiNkhosi yabo, nabo. Manje, uma Itongitjela lokutsite lokungalungi ngawe, nomayini lengalungi ngawe, utokwati kutsi kuliciniso yini noma cha. Ngifuna bona, ngifuna tetsameli, ngifuna bantfu ngephandle laphaya kutsi babone kutsi Moya loyiNgcwele ulapha ngembili kutsi anikete kubona lokufihlakele, kodvwa loko akuphilisi muntfu. Kodvwa uma Atongitjela lokutsite ngawe, lowatiko kutsi angati lutfo ngako, njengoba nje kwakunjalo ngalowesifazane emtfonjeni... Kungesilo luhlobo lвесigulane lesifanako, kodvwa ngicondze kutsi wesilisa newesifazane bacala kubonana. Jesu, wesilisa lotsite losemkhatsini nendzima yekuphila, nalona wesifazane mhlawumbe bekanguwesifazane losemncane, mhlawumbe njengawe.

¹⁵¹ Futsi uma Atsandza, bekangangitjela kutsi utengani lapha, inkhatsato yakho, ungakholwa kutsi kutofanele kube nguMoya waKhe lotokwenta na? Nine bazalwane niyakukholwa loko na? Kutsi leNkhosi Jesu lefanako ime lapha na? Nine tetsameli nikholwa yintfo lefanako na? Nine lalayinini lalabakhulekelwako ningakholwa yintfo lefanako, futsi nati kutsi lamadvodza lawa...? Beningawabitela etulu lapha uma bengicabange kutsi abengasi...? Emvakwekushumayela kanjena, nekusho letintfo lengitishito, bese-ke ngibitela lamadvodza etulu lapha lebeyingakafaneli na? Beningeke ngakwenta loko. Bengiyobe ngehlula yona kanye lentfo lebengiyiwela. Niyabona na? Ngiyakholelwa kuwo. Ngiyakholwa kutsi angemadvodza aNkulunkulu.

¹⁵² Manje bonani uma Moya loyiNgcwele eme edvutane. Kukhuluma nawe nje, ngitama... Wena utsi, “Wentani, Mnaketfu Branham?” Intfo lefanako Jesu layentile ngalowesifazane, watsi, “Ase uNginatsise,” Bekatama nje kukhuluma naye umzuzu, atfole kutsi yayiyini inkhatsato yakhe.

¹⁵³ Inkhatsato yakho kwetfuka, nguloko lokukuphetse. Uma loko kunjalo, phakamisa sandla sakho. Manje, impela

akakubuki, uyakubuka, bazalwane na? Akakubuki, kodvwa nguloko inkhatsato yakhe. Sekusikhatsi lesidze anjalo. Njalo uwela emabhuholo akho ngaphambi kwekutsi ufike kuwo, nakanjalonjalo. Loko liciniso. Kwakhiwa kwakho, wentiwa ngaleyondlela nje, uyefuka; sonkhe sikhatsi ubona kungatsi kukhona intfo letsite letokwenteka, ingenteki. Ngaletinye tikhatsi develi uyakutjela, “Akukho lutfo kuLo, kutsi nje uyahlubuka, ungesheya kwelilayini.” Angifundzi wona umcondvo wakho, kodvwa ngifundza loko loku... Ngati loko lakhulume ngako kuwe, ngoba ngiyabona kutsi yini leyendlule emcondvweni wakho.

¹⁵⁴ Manje, Jesu bekayibona imicabango yabo. Ngabe kunjalo na? Yebo-ke, nguloko lokwenteke khona manje. Ngabe kunjalo na? Lapha, ake ngikutjele lokutsite, kute utokwati. Lapha umele empeleni lomunye umuntfu. Kunjalo. Nguleyontfo, uyabona, bewungeke wakubamba kwate kwaba ngulesosikhatsi. Manje, uma iNkhosi itongembulela kutsi umeleni lapha, lomunye umuntfu, utongikhola kutsi ngingumprofethi waKhe na? Kwamake wakho. Uyakhola kutsi Nkulunkulu angangitjela kutsi inkhatsato yakhe iyini na? Yebo-ke, unekukhatsatwa yinhlitiyo, unemfutfo wengati lophakeme, ematje enyongo, tifo letelakanyanako. Kunjalo, akunjalo na? Uyabona na? Manje, lowo nguMoya loyiNgcwele, akunjalo na?

¹⁵⁵ Manje, kukhona lokutsite lapha lokukimi nakulabazalwane laba. Niyabona na? Lokutsite lapha manje, nguMoya loyiNgcwele. Manje, kholwani; nine, njengoba sendlula kulelilayini.

Sonkhe asikhotsamise tinhloko tetfu sisakhulekela labantfu laba.

¹⁵⁶ Manje Babe loseZulwini, sitobeka tandla tetfu etikwalabantfu laba. Futsi ngiyabakhulekela manje. Nati tinceku taKho letetsembekile time lapha, futsi sonkhe sitobeka tandla etikwalabagulako, ngoba Watsi kwenteni. Sitokwenta eGameni laJesu Khristu. Kwangatsi bantfu bangeke bahudvuleka nje basendlula, kodvwa kwangatsi bangeta bendlule baphiliswa ngeliGama laJesu Khristu. Amen!

¹⁵⁷ INkhosi ikubusise. Manje hamba wenyuke usondzele.

EGameni leNkhosi Jesu, philisa... EGameni leNkhosi Jesu, philisa umnaketfu. EGameni leNkhosi Jesu, philisa dzadzewetfu.

¹⁵⁸ Manje, umzuzu nje—nje! Niyabona! [UMnaketfu Branham ushaya tandla takhe kane—Umhl.] Mnaketfu nadzadze, kungani nitfokote ngesikhatsi lowo wesifazane, ngesikhatsi kwenteka loko kubona lokufihlakele, futsi ngesikhatsi kuta labanye bendlula akukho lokwentiwe na? Bantfu bayendlula, “Yebo-ke, uma nginga... kunekubona lokufihlakele, yebo-ke, khona-

ke angitfolanga lutfo." Loko akukaphatselani ngalutfo nako, Ulapha ngalokufanako nje. Niyabona na?

¹⁵⁹ Uma wendlula lapha, wota tandla takho tiphakeme, utsi, "NgiyaKubonga, Nkhosi Jesu. NgiyaKwemukela njengeMphilisi wami, futsi nje ngihamba nako ngco. Lenye yalamadvodza lawa itongibhabhatisa, ngiyongena ngco echibini lemanti futsi ngibhabhatiswe, futsi ngiphume futsi ngati kutsi Wena wetsembisile kutsi ngitokwemukela Moya loNgewelete."

¹⁶⁰ Niyabona, ngu... Kubona lokufihlakele kusekhona lapha. Kusekhona lapha, ngalokufanako nje njenge... Lapha, ngukuphi na? Lendvodza lapha? Ngisihambi kuwe. Ngabe ngingiso, mnumzane na? Angikwati. Kunga... uma Nkulunkulu atongitjela kutsi yini inkhatsato yakho, utongikhola kutsi ngingumpfethi waKhe, inceku yaKhe na? Utokholwa ngayo yonkhe inhlitiyo yakho na? Kulungile, mnumzane. Ngiyabonga, mnumzane. Lowo ngumoya lomuhle kakhulu, intfo lenhle kakhulu. Empeleni, umele lomunye umuntfu lapha. Kunjalo. "Ngumtukulu wakho, unavendle, wawa ngalelelinye lilanga futsi wephuka umlente wakhe," lowo ngu ISHO KANJE INKHOSI! Ngabe kunjalo na? Kunjalo! Hamba futsi ukholwe manje, futsi utosindza.

¹⁶¹ Manje, wota ukholwa, wonkhe nje umuntfu, wota nje. [UMnaketfu Branham nebafundisi bakhulekela labagulako elayinini lalabakhulekelwako—Umhl.]

Libusisiwe lifindvo lelibophako
Tinhltiyo tetfu elutsandvweni lwebuKhristu;
Inhlanganyelo yemcondvo webuhlolo
Injengaloko kwangeTulu.

Lapha embikwesihlalo sebukhosи saBabe
wetfu,
Sitfulula umkhuleko wetfu ngekushisekela;
Kwesaba kwetfu, ematsema etfu, tinhloso
tetfu kunye,
Tindvudvuto tetfu nemnako yetfu.

¹⁶² Sime ngale, kwalabancane baNkulunkulu, bantfwana labakhuatekile, labatimphumphutse, nalabagogekile. Bashumayeli beliVangeli, niyati kutsi asinamandla ekuphilisa. Kodvwa iNkhosi yetfu leNkhulu Jesu Khristu utfumela letibonakaliso leti, bese ulahla lodeveli lonibophile. Siyamlahla lodeveli...?... Siyabulahla lobumphumphutse...?...

¹⁶³ EGameni laJesu Khristu iNdvodzana yaNkulunkulu, sicela kutsi Nkulunkulu utobapha kukholwa kutsi bakhole kutsi umkhuleko wekukholwa ubasindzisile labagulako, naNkulunkulu utobavusa, futsi batosindza njalo. Siphe kona, Nkulunkulu Somandla, ngeliGama laJesu Khristu.

¹⁶⁴ Manje, nine bazalwane hambani nisuuke lapho...?...

¹⁶⁵ Nonkhe nine labanye banini semkhulekweni manje, lapho sisa... bashumayeli bayabakhulekela, nabo, manje. Siyakhuleka, sibeka tandla.

¹⁶⁶ Babe loseZulwini...

Kini nine ngephandle laphaya etetsamelini leningakangeni elayinini lalabakhulekelwako, bekani tandla tenu etikwalomunye nalomunye manje. Bekani tandla tenu etikwalomunye nalomunye.

¹⁶⁷ Babe wetfu loseZulwini, siKuletsela letetsameli leti njengoba sesivala lenkonzo nalomkhankhaso ngaphansi kwekuhangisa kwaJesu Khristu, lomkhulu umPhristi loMkhulu logcotjiwe waNkulunkulu, Emanuweli, emile, avusiwe kulabafile, aphilela njalo kwenta kuncusela; Bukhona baKhe lobukhulu manje bunatsi, Emandla aKhe langcwele asetikwetfu kusenta sibone imibono, siprofethe, sibeke tandla etikwalabagulako. Livi laNkulunkulu lelingehluleki lingake labuyela kuYe-lilambatsa. Ngilahla wonkhe develi wekugula, onkhe emandla esono, konkhe kungakholwa, eGameni laJesu Khristu, kwangatsi kungahlakateka kusuke kubantfu futsi kwangatsi bangulanyiswa.

¹⁶⁸ Busisa labomnaketfu lababafundisi, Nkhosi, njengoba basabutana ndzawonye nganhilitiyonye nangelivi linye, nawo wonkhe umuntfu nje welibandla. O Nkulunkulu Somandla, kuleMiddletown lenkhulu, Ohio, tfumela imvuselelo emvakwaloku, Nkhosi, letotsanyela ngalapha nangalapha, kubutsana kwematsambo, Nkhosi, nemisipha yesikhumba. Futsi kwangatsi emandla aNkulunkulu angavusa libandla lelihangene lelinemandla lapha kulelidolobha lelitotsanyela, libandla lelisibonelo, konkhe esiveni sonkhe, kutsi bantfu batongena kulelidolobha kutsi babone emandla aNkulunkulu. Siphe kona, Nkhosi. Philisa labagulako nalabahlaselekile, sindzisa labalahlekile, futsi utitfolele inkhatimulo Wena lucobo.

¹⁶⁹ Siphe kona, kutsi onkhe lamaduku nemaphasela lamancane lokubekwe lapha...Ngiyakhuleka, Nkhosi, kutsi Moya loyiNgewe useistikwetfu, nakulendlu asigcoba, kwangatsi bonkhe bangaphiliswa. Kubhaliwe eBhayibhelini kutsi lapho Israyeli asendleleni yemsebenti, basendleleni lebheke eveni lesetsembiso, kutsi Lwandle loluBovu lwema endleleni. Nalomunye webabhali watsi, "Nkulunkulu wabuka phansi ngaleyosika yeMlilo neLwandle loluBovu lwesaba lwase luyadeda, na-Israyeli waya eveni lesetsembiso lebeletsenjisiwe."

¹⁷⁰ Futsi manje, kuseBhayibhelini, kubhaliwe, "Bengingatsandza etikwetintfo tonkhe kutsi niphumelele ekuphileni." Futsi uma lamaduku lifika kubantfu, lapho Sathane abeke Lwandle loluBovu embikwabo, kwangatsi Nkulunkulu angabuka phansi ngeNgati yeNdvodzana yaKhe lucobo, Jesu Khristu, futsi alahle konkhe kugula kulabo

labangakakhoni kufinyelela lapha; futsi kwangatsi lokugula kungasuka futsi kwesabe Livi laNkulunkulu nesetsembiso saNkulunkulu nelugcobo lwaNkulunkulu, futsi kwangatsi bantfu bangendlulela kulesosetsembiso lesihle sekuphila lokuhle nekucina. Siphe kona, Nkhosi. Futsi sinikela konkhe kwako kuWe, eGameni leNdvodzana yaKho letsandzekako, uMsindzisi wetfu Jesu Khristu. Amen.

¹⁷¹ Tetsameli, kuYe losati sonkhe, kuYe lowasivusa kutsi sibe lifa laKhe emhlabeni, ebandleni laKhe, kwangatsi tibusiso taNkulunkulu leticebile tingabasetikwenu nonkhe site sibonane futsi. Inkonzo yetfu lelandzelako, ngekwati, itoba setabernakeli, ngeliSontfo ekuseni, ngeliSontfo leliPhasika ekuseni. Ngitobeseke sengi...ngale e-Illinois kusuka lapho. Anibusise, niye emabandleni enu, niye kulawomabandla lamahle, bambani tinhliyi tenu tibe ndzawonye. Hlalani eVini laNkulunkulu! Philelani Yena, ngoba tintfo letimbi ngalokwesabekako kulele embikwenu, nikukhumbule loko!

¹⁷² Site sibonane, asisukume futsi sihlabele.

NgiyaMtsandza, ngiyaMtsandza
 Ngoba Wangitsandza kucala
 Futsi wangitsengel'nsindziso
 Esihlahleni saseKhalvari.

¹⁷³ Manje, ngenhoniphо, chawulana nalomunye ngemuva kwakho, embikwakho, nasemaceleni akho.

NgiyaMtsandza (wonkh'umuntfu, manje),
 ngiyaMtsandza
 Ngoba Wangitsandza kucala
 Futsi wangitsengel'nsindziso
 Esihlahleni saseKhalvari.

¹⁷⁴ Manje tandla tenu tiphakemele kuNkulunkulu, kakhulu sibili manje, wonkh'umuntfu lenteni livakale.

NgiyaMtsandza, ngiyaMtsandza
 Ngoba Wangitsandza kucala
 Futsi wangitsengel'nsindziso
 Esihlahleni saseKhalvari.

¹⁷⁵ Asikhotsamise inhloko yetfu manje.

Site sibonane, site sibonane,
 Site sibonane letinyaweni taJesu;

Khumbulani, labanengi betfu ngeke baphindze babonane futsi kuze kube ngalesosikhatsi.

Site sibonane, site sibonane,
 Nkulunkulu abe nani site sibonane futsi.

¹⁷⁶ Manje lihamisheni. [UMnaketfu Branham ucala
 kuhamisha—Umhl.] Umfundisi wenu.



INKHOLO YA JEZEBELI SSW61-0319
(Jezebel Religion)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ntsambama, ngenyanga yeNdlovulenkhulu 19, 1961, eNational Guard Armory eMiddletown, eOhio, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa neSiSwati kwakhicitwa kwakhishwa yiVoice Of God Recordings.

SWATI

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org